

晚

晴

移

詩

匯

晚晴移詩匯卷一百七十三目錄

李慈銘

五十首

沈曾植

三十四首

梁鼎芬

二十六首

晚晴簃詩匯卷一百七十三

徐世昌

李慈銘原名模字悉伯一字蓴客晚號越縵會稽人光緒庚辰進士歷官山西道監察御史有白華絳樹閣詩集

詩話悉伯初官郎署負盛名晚始成進士擢諫垣生平博綜羣籍尤精於史今所傳越縵堂日記累數十冊皆綴學論文語已刻者湖塘林館駢體文及詩集自序謂所得意莫如詩所致力莫如杜又言以一身備人世之百艱其所經者由家及國滄海之變故固亦多矣存其詩足以徵閭里之見聞鄉邦之文獻而國事朝局之是非亦或有可攷焉

癸丑除夕

元化日流行人事迺塵積得失隨雞蟲一瞬判今昔芳華轉詰朝歲事謝茲夕萬物欣懷新殘年孰知惜睽睽東方

明移昀便陳跡老盡今古人懷念百靈集

人生會有極抗志希古賢道高玩其迹文字堪鑽研兀坐
叩真得百家一無專薄植仰喬木弱羽委逝川豈不慕崇
遠頽廢難自堅彈指積前日強半成惕延且作墮地思學
語始明年

堂前陳棗栗焚香展先容墜霜無返晨驚水無迴風孤露
遘家酷一星將告終詩書藐先訓尤悔叢厥躬今辰拜階
下勝衣異兒童彷彿趨庭時懼責心忡忡仰首見遺挂欲
就將何從燭花散影堂還照萊衣紅

歡笑啟家宴明鐙亦煌煌中闈坐慈母弟妹侍兩旁兩弟
亦娶婦側坐競奉觴甘旨未取辦屠蘇且分嘗家人如列
星熠燿粲成行我母有如月團樂羅眾芒人生重侍奉此

樂殊未央願唱百年歌四海常安康

爆竹聲咽闌念我平生友祭詩孰狂歌避債孰低首推解
乏貨財事畜迫奔走鳳凰下覓食琅玕寶無有麒麟代車
牛牧豎斥其醜自好物所憎時艱道堪守及茲歲寒時寸
陰各毋負讀書在固窮作事必要久素心懷好音立言務
忠厚

溥海苦多事連年勤師征漁陽國根本賊騎猶縱橫殺氣
連晉齊重陰溥日精江淮迫歲暮蕭條無人行君王正宵
旰我憂耿難平流民鮮伏臘何以紓皇情日夕望星次行
當掃機槍旭旦啟閭闔萬戶皆春聲

早至平水谿口登岸意行三四里至顯聖寺不入
清夢忽然碎溪喧滿孤枕推蓬綠打頭亂墮松竹影及茲

朝氣爽行渡石橋近溼霧吹濛濛山意猶未醒細路春泥
明密篝曙煙隱鶯嘯茅屋幽犢卧露花冷綠鐘時見僧到
寺一水靜

潘星齋丈爲予續湖塘村居圖用曉游天王寺韻題

詩見贈疊韻奉謝

結念棲隱鄉環流面寒麓凌晨理幽榜人語出清旭羣鬢
互溼翠臨谿各爲沐釣竿帶煙蘿茶臼答風竹卷簾交清
暉書帙映人綠煩公營粉本茅堂啟湖淥畫圖幸取辦魚
鳥先約束相期采金英鹿蹊踏松粟

初冬攜舟至平水谿口由望仙橋入寶巖寺夜宿澄
公房

扁舟出東郭沿綠耶谿間水盡白雲起遂入雲門山紅樹

疊青嶂明妝耀螺鬟遠近含層霞深淺分寒煙峯陡勢欲
落飛翠忽復連曲澗蔭幽篠魚鳥媚我前時逢采樵侶踏
葉相往還山迴寺門出夕陽終古閒

雲門外六院茲地據丹麓入門仍見山古蘚一庭綠松陰

飈雙旛經壇散鑪馥龕石棲寒花廚煙出深竹頗憶湛然

師塵錫參道俗先賢習元悟往往寄高躅此寺自陶文簡與湛然結方外

之交其後祁忠惠祁止祥王季重家太若先生常往來寺中國初趙逸民旬遂隱迹于此與王白岳等偁雲門十大

弟子禪房留定雲蒲褐此間宿茶火伴夜深山志靜可讀有寺

雲門志亦曰顯聖寺志趙逸民所撰天風搖殿鈴時聞暗泉續

京邸冬夜讀書

昨日中旨下率錢修離宮讀詔私太息此舉宜從容聖人
秉純孝不暇權始終長樂樓百尺積慶花千重取足天下

養承歡良無窮四海幸平壹物力猶未充島夷怙羣醜
鼯睡長安中誠宜法文景勵治威諸戎安可舍禁鑰危照甘
泉烽臺疏間一上未得回宸衷賢傳造辟言主德本至聰
豈不念民瘼何難罷新豐事關國根本連章期諸公冗官
未食祿涕淚徒沾胸伏闕詎可效草奏誰爲通負此讀書
力僅爭章句功漆室夜深議四顧無予同

夜夢歸故園作

夜來何所夢夢歸故山廬山陰西郭外聚族橫河居宅後
十頃地旁臨官瀆湖竹圃各自闢裘延半里餘家家有高
樓朱翠相縈紆吾宅割半畝面城開里間後有樓五間青
苔黯金鋪時節偶一登憑闌俯仰漁湖光收不盡平野連
菱蒲亂帆過如葉鼓枻時相呼鸕鷀排艇列驚飛趁鷗鳬

柴霖忽中斷間以紅芙蓉此境常在目久旅徒長吁一旦
落吾手指點真畫圖青山列眉際天光在衣裾左右挹明
鏡瑠璃網窗虛七日儻不醒何必游華胥

讀明史盧象昇傳

有明季年黨禍亟朝廷甚於河北賊國有賢者孫

承宗

與盧

權奸所忌陷之敵忠定勤勞擅邊事忠烈桓桓衆尤恃書
生三十臨元戎文武七州得專制雷公白騎一蹶僵倚隅
逸賊賊復張驍將橫刀躍馬返頭顧一顆高迎祥彼哉亨
九亦持戈公偉常爲義真屈指蹤獮薶清中原邊吹神兵
蹋牆入十烽連報陰山破急移韋虎當關卧宜雲屹屹長
城孤東南羣盜酌酒賀黃麾下瞰甘泉宮墨經倉皇對殿
中九重不懌要人怨盡收貔虎歸軍容五千見卒奮卷出

大評決戰賈莊驛鐵騾四感煙塵昏槩折尸僵滿袍血續
麻襖甲韡藏刀砥面風前慟故條一死君親名義盡兩河
人鬼哭聲高百計誣降結中豎部曲傷殘責對簿戴就燒
鉄獄不移馬嚴連索君猶怒樞臣亦是功名流爭功乃與
公爲仇上方賜劍不汝齒明年送汝襄王頭嗚呼高陽繼
死漳州虜城社淒涼散狐鼠誰遣中流自壞船至今淚溼
思陵土

寓山四負堂謁祁忠惠公象

嗚呼忠惠天人姿門第高華文采奇二十登科作司李蠻
陬猾吏無能欺報最俄膺諫垣擢惠文腦後尤嶽嶽鴛湖
選郎手障天一疏披雲折其角三吳地大多彊家白晝擊
鼓驚吏衙繡衣少年美如玉驄馬一出人無譁中臺入長

十三道逆黨汗流觀諫草倉皇請急歸倚廬四負名堂待

終老南都草創吳民驕公還持斧鋤其豪三弊上言僅報

可擢公開府蘇臺高揚州鎮帥本名賊花門大縱南塘出

駸駸略地窺丹楊公檄要盟尅以日大江鼓浪高崔嵬傳

呼單舸中丞來通侯跼接健兒拜轅門醺酒譁如雷奄兒

翻案水火急副相劉忠介公出都國人泣彈章并列三賢名時

澤清附馬阮上疏攻忠介及其三大師弟相隨返鄉邑

弟子謂忠惠及章公正浪黃公宗義也同文獄起城社傾興朝帝子安車迎殉國義同高劉死觀

時恥逐姜商生大清兵至貝勒以貂參聘越中遺老六人

逢元其一則寓公一泓清絕寓園水角巾屹然水中止講

學同源幸得人柳橋攜手王元趾公與王正義先生毓著

粒時聞正義投柳橋死日近年講學惟得此人畫江猶子更從戎魯王監國時公

上江巢覆孤兒縲紲同故宅幸留施捨後藏書散盡亂離中承平回首閒居福月榭風亭看不足夫婦清閨品畫詩弟

兄別墅從絲竹夢醒人世已滄桑終古山川對影堂公臨命時

見隔池山色歎日山川人物皆為幻青袍尙志孤臣痛服

袍黃帛長放御府香園名記在誰能續公著越郡圓名記四卷平泉

花石鄰家鸞客過還憑礎認亭僧貧只縛籬為屋野菊寒

泉薦一尊魏莊耕稼幾人存當筵莫奏湘纍曲我亦公家

七葉孫太高祖母為公女孫

會龍橋歌在西郭外一里虹橋之南今名會龍堰

慧日閣深撫帝坐相公館客訪奇貨兩龍浴水來夾舟保

長驚呼貴人卧雷奔電睽導客行仙源慶牒稽圖名帖報

新恩得龍子萬歲巷裏愁琴聲一龍飛騰上天去燭影赭

袍挾臨御可憐折斷雙晶蓮墀下殿巖摔頭舞一龍朱邸
開會稽投懷再見雛龍飛嗣皇慶壽攸金扇隆國承封曳
玉衣五十年來六更畢大龍枯顱琢饕餮白頭青蓋牽羊
行繞柱龍孫拜番佛鏤簞珠襦散不收霄川碧血幾經秋
誰知龍輶干官衛不及西谿土一抔當時戚里承恩澤衛
王魯國同朝列不堪潛邸問虹橋留與桓谿誇誰悞鄧桓
氏理宗時建龍巢榭
見全謝山鮎埼亭集迎恩門外夕陽斜終古橋痕漾采霞
漁童打槳入東浦指點荒村保長家

柯山紅樹行

旅中閱孟調遺集洛川道中詩云好似
故人團扇畫祇疑歸夢到柯山自性越

縵嘗有柯山紅樹畫扇展念逝者益增歸
思爰愼長歌寄忱瘦生瘦生故居柯山也

故人家在柯山曲門外谿流轉寒綠板橋一抹長林西盡
日煙霞看不足山深幾日生秋風樹色盡作胭脂紅斜陽

隔山渲金碧畫屏慘淡開天工平昔看山愛秋旻寫入吳
紉白團扇畫中佳賞誰最同濁酒扁舟載王翰尋君遙指
松扉開破帽風前笑相見第五橋邊詩思多林陰席地共
婆娑年年好景常如此放眼湖山一醉歌遠水遙山入秋
暮多少征途此中去漁舍多依薜荔灣估船偏問鴛鴦渡
皆柯山地名王郎去客嵩汝間余亦勞勞別故山江路雁來知
有夢白雲秋盡幾時還燕雲越樹動成憶把臂王郎忽長
別黃沙落葉滿長安寒日蕭蕭素車出著屐平生定幾回
遺詩讀罷更堪哀分明洛水疲驢道曾得家山一面來遙
憐瘦沈依山住紅到山中幾千樹已是題詩失酒徒扇底
風光更何處何日僧廬返病身綠蘿禪榻結比鄰西頭更
觸浮生慟滿目山陽笛裏人

題峴樵枌東老屋校韻圖

古人取韻緩清濁限方域世儒泥章句音義遂煩數長短
齊人言輕重漢儒讀後出益紛拏圈發逞私欲梁陳講聲
病強以四聲束高貴皋梁武卓識獨破俗奈此風會趨浮
華斲其樸眞倒言下上虛實昧秀宿鮒乃切紂紅頊改翻
許緣燕說誰爲刊天籟返遭梏北宋家法存近守唐代躅
丁賈皆經儒同志有侏王叔李十卷十二凡部別慎通獨
慳繆偶貶孫慚典刑未祧陸字不取類隔文亦參篇玉別
體務蒼萃一音自聯屬雖病雅俗殺尤多形體複觀過宜
知仁多文在富蓄誰欺妄兼并畫部成百六疵議叢劉淵
翔始實文郁金王文郁平水新刊韻略出於正大六年已并二百六部爲一百六部先於南宋劉淵痛
祐新刊禮部韻略二十四年又上國朝勇復古亭林首張
聲已去拯韻亦非始陰時夫也

目十部至廿一研析遞繁緝經子務博證集矢徧吳越入

聲互割配頭脯強接續其意或過通往往往見違觸之脂支

必分元魂痕當副無錫與儀徵雅冀古騷復無錫秦文恭

君言元與魂痕當依三百篇析爲二眞殷當從唐人同用上聲拯去聲證當分山獨用上疏請刊正韻書阮文達取

段氏之脂支羣經楚辭分三部之說欲并廣韻定爲古韻廿一部爲作古辭賦者之用昌言終未行

習非徒嫁嫁蒙嘗發狂論吹萬貴抱蜀雙聲本天機造化

具官鯨六書半形聲偏旁不相贖持此兩大端如宗合其

族一掃塵徑蕪兼通絕津軸霓蜺枉分別頗陂免點辱屢

欲勒一書私以詔家塾病嬾輟觚翰家貧艱畢牘羨君勤

著述榆陰掩深屋朝夕羅丹鉛雅話盡纂錄簡鍊比治兵

爬梳類折獄卽覘經濟優豈爲盤錯衄此圖便千秋雕蟲

等奴僕

孟鼎銘拓本爲伯寅侍郎賦

榮榮孟鼎銘吳

子菴閣學陳壽卿編修

考已備侍郎精古籀挾摘無

遺義我所三摩挲尤在玟琫字

銘文玟王三見琫王一見俱左加玉字

於古

無可徵請更對以意呂伋諡丁公說文作玎諡丁癸本殷

號周人始製諡偏旁隨事增古蓋有斯例唐虞及三代以

玉供神事大夫有石室郊宗詳其制王公當用玉疑非起

後世諡爲作主用加玉所以志此乃真古文干鈞一髮系

寄語一孔儒橋舌莫詫異

說文所引玎公蓋出左傳微福於太公丁公句許氏序言所脩

左氏傳皆古文其所見作玎公也

所貴金石文爲可證故書佚事或剏獲小學猶其餘茲鼎

鄭重言宗周王命孟錫以鬯一卣黻冕車旗俱邦司四百

人僕馭至庶夫

皆銘中語

是當爲重臣何以名泯如成王廿三

祀銘末云唯王二十又三祀以其文屢言文王武王且據
 祀洪範傳祀此亦傳祀蓋周初尚沿殷時之語則當為成
 王廿三年警酒資許謨銘中有無敢醕初疑武之穆孟本
 無疑也左傳邾邾同列五等邾後入晉為邾邑亦作孟韓非
 可通邾禽呂叔同列五等邾後入晉為邾邑亦作孟韓非
 子有孟獻伯與叔向同然此述王命豈容以國呼又疑孟
 時邾即今山西孟縣也
 于借唐叔字子于然曰祖南公世系難強誣銘中三傳班
 表有邾叔時地亦未殊人表又有邾叔在第八其人又無攷
 傳會滋成愚祝雍與陶叔一例同嗟吁大戴公冠禮云周
 傳定四年云陶叔授民二人皆成公使祝雍祝王左
 王時而它無所見此孟亦其類也仰屋徒自笑秋風在庭
 梧

潘伯寅光卿屬題小象

走也四載客京邑短筆不到公卿門光祿情流世眉目獨
 念僵卧時相存早年文采動天下性分夙契忘寒暄握手

數人足隱蔽神明霞舉何軒軒咸豐季年國事亟共鉉得
政刑獄繁百司汗縮奉教令四夷抵釁窺畿藩僉王快策
下殿走六龍已駕誰扳援君當車轍讀彈事請斬二豎竿
其元朱游未得上方劍楚瑋已出騶虞幡退焚諫草淚沾
肌蒼梧莫訴心煩冤柳伉疏傳翰林重汲黯身在朝廷尊
乃知法從有真職非徒簪筆稱典璠昔者 宣宗治仁厚
大臣敬禮如友昆太傅十年長揆席君臣一德情尤敦世
家喬木國所恃相門之慶鍾文孫神羊觸邪豈輕出鳴鳳
應律無凡喧梁泮不聞召陸贄保全終始先皇恩方今天
日正開霽朝局奠定無翳昏君居九列更忼慨白簡上殿
多危言澄清斯世自君責願蓄光采培根源吳生傳寫真
有神致寒冬四坐同春溫侍中風貌玉界尺可知峯距侔

崑崙自惟厯落笑桓茂更揣骨相愁虞翻麒麟閣上速起
橐駝畫我歸邱樊

自題霞川老屋圖

我家世在城西居翰林吳君爲續圖長安塵沙正眯眼突

兀忽見先人廬二百年來有此屋東南斜抱兩河曲

先宅本臨

橫河後益南城邊緣樹萬家煙橋畔朱樓百竿竹橫河北

絕官廩流煙波浩淼無春秋鷗鳬四散不知處鳴榔往往

聞漁舟直河西接錢青水迤邐長流百餘里估帆日夜排

檣來豔說霞川一灣綺蓬萊驛路清風多連雲綽楔垂女

蘿會龍尙記前朝事卧虹不絕行人歌先人辛苦一廛寄

舊德清門子孫庇規制樸陋無敢增宗族環居莫輕棄幼

騎竹馬攜短童東眷西眷隨所從鶩鳴時鬧比鄰塾紙寫

閒趁陂塘風最憶讀書一弓地楊柳臨池滴窻翠擁卷隨
時倚樹吟洗研呼僮捉魚戲我生二十行適燕滄海橫溢
無愚賢馬蕃亦逐賈區盡桑柘一例隨飛煙歸來城郭都
非舊到岸牽船暫相就新豐門巷何處尋安仁故第從誰
售海燕年年繞屋飛夢中圖畫是耶非多情惟有霞川水
日望行人萬里歸

苦雨謠

秋霖積日慘不聞太行黯黯愁西積農夫九死補田作坐
看辛苦成汙萊黍子垂頭萬黃粒丈半紅竿颭稊稊方覲
暫飽償積飢詎料垂成委枯銍天公愛物稱無私朝廷旰
食施淖糜天心君心本一體始知災沴民自爲我釜無魚
甌無粟謁鬼不通日炊玉飽看兩腳愁向天豈惟野老吞

聲哭程易疇以黃米爲黍其秀舒散者是也北人謂之黍子以高粱爲稷其穎疎峙者是也北人亦謂之稷
以小米爲粱其穗下垂者是也北人謂之穀子郝蘭皋以大黃米爲黍以小米爲稷案今京畿人評大黃米性黏作
是也稷則高粱之通稱

桑乾水自樓煩來挾沙橫決如奔雷緡錢告絀外繇困危
隄盤盤常奔摧神畿南北一河繞南岸堯危北岸倒積年
菽菽雨工十室一歸復逃溺我乏諫卒半晦田太倉斗
食饗無緣蜚鴻滿野心悄然豈但墨突無炊煙

頑雲缺兌現雌霓雨勢騎月夜益急東榮震裂西栢傾昏
巷沈沈萬憂集蓋頭未得三重茅龍龍簷霽百竅號四壁
股栗撼牀動一鐙危與神魂搖傭書力賃三間屋流潦滿
庭帶溝瀆何事復取造物嗔童僕愁冤爨婢哭人生呼吸
皆由天幾家高枕能安眠排牆死亦等化耳遽遽安必非

眞仙君不見東華門外火城溼千官陞楯雨中立馬蹏騰
蹕絕淖行漆室遑知有人泣

晚步門外風浪浩然臨流獨立頗有江湖之思成五
言一章

長風吹獨立蒼莽墮邊愁山壓孤村暝城掀濁浪秋奇貧
逢患難多病誤恩讐滿目關河思平分浩蕩鷗

聞故園近日消息傷亂憂家雜成五首

百戰桃州地烽煙亦僅存軍聲桐汭亂殺氣溟湖昏遂失
三吳險空傳萬騎屯專征周奉叔薄議尙君恩

大府傳飛檄鄉關仁被兵愁雲盤故障妖彗掃長城戎馬
驚花地江湖戰伐聲越山東望近莫使鼓鼙驚

賊絕姚江秬誰詳倡亂因赤九斫文吏白棒聚州民世變

無完土家危有老親誰令輕遠役日夕淚沾巾
未奏清淮捷天涯阻賊烽雪深三月暮路絕一身窮國事
嗟何及家書杳莫通何時能奉母避地亂山中
細弱全家累辛勤仰母慈夢中憐病弟亂裏念孤兒多難
驚心慣窮居得信遲側身無處所流涕太平時

村居雜感

感念今皇建極初綸言迭下免征輸民頑尙忍連羣盜廷
議還聞斥重租廷臣有請加賦者上不許窮海波濤艱輓運諸方草木
缺儲胥司農可更無劉晏胥肝何時得少紓

桂嶺千盤毒霧多養癰從此潰山河豈眞小醜關妖讖誰
使中軍祇雅歌周巡撫之琦鄭巡撫祖栗相繼以名士帥桂管宗澤尙存甯至是
謂林文忠重湘雖險待如何督師忍召鄉邦禍身後還應誓枕

戈謂李
文恭

洞庭千里氣蕭森
殺伐愁連大地陰
上相徒聞馳傳出
全軍已報鑿舟沈
蠻氛日夜蒸江漢
鄂渚風煙閱古今
一片塗膏問誰致
祇應猿嘯答楓林

倉皇直下豫章城
江上聞風潰列營
河口三旬餘劫火
潯陽九派匯軍聲
元戎已見奔單艦
都護空勞集守兵
約略諸君功罪際
陷疆事重陷身輕

側身天地一登臺
極望東南事可哀
流水自將遺恨下
夕陽無數亂山來
我生不幸值多故
平世猶難容廢材
許國誰能信年少
千秋人惜賈生才

庚申八月感事

海國蟲沙忽刺天
妖氛直射五雲邊
萬金緹庫方懸賞

騎皮冠竟執鞭下殿已符南斗識時熒惑入南斗行圍重話北征年累朝神武聲靈在誰繼車攻六月篇

名王鐵騎鎮沽中太息藩籬指顧空孤注何曾謀寇準額留幾見約陳東絕憐滄海橫流速尙想神京拱衛雄東望翠華應下淚昭陵松柏起西風

五朝神籙翼皇州縱火連宵燭九幽法物盡隨羣盜去仙山眞見萬靈愁不須華髮摩銅狄空使孤魂泣水囚臣內大文豐投水死羯燄滔天古無此憑誰海上搏長虯

卧病危城日百驚劇憐身死太無名焦頭詎解中朝禍泣血徒傷下土情九廟鑒觀應不遠諸君功罪豈難明上方有劍無人請慚愧平陵折角生

和珊士送春詩心字韻

異國春歸客感深烽煙滿目罷登臨茂宏到處能胡語莊
烏無人和越吟四海倉黃留此日十年閒散負初心草驢
秃尾天街側吹笛織兒莫見侵

雨夜戲效義山無題

畫簾疎雨隔微塵獨夜房櫳易愴神淡墨羅巾鐙畔字小
風鈴佩夢中人難銷碧玉當年恨留得文簫舊日貧除卻
小敷山下路天涯何處更尋春

潭水閒門倒影斜金鋪深掩玉窗紗驕驄日夕偏知路乳
燕春深未定家銀燭慣侵三五月銅壺低隔一分花江湖
側帽填詞客長與年年減鬢華

小別東風不自由香車油壁幾句留難忘玉手拏簾笑誰
遣蛾眉滿鏡愁鶯語畫屏人倚瑟蛛絲小幔月當樓銀河

不信誰相待瀉作瀟瀟暮雨秋

咫尺青鸞便斷聞漫書花葉寄朝雲
鏜前秋扇留殘滴雨後春衫發故熏
楊柳長爲牽恨物蘼蕪新著懣愁文
多應終古沅湘水翠被蘭舟怨鄂君

夜過皖城作

天涯倦鳥幾時還千里江程未得閒
瓶裏茶香秋浦水枕邊鐙影皖公山
烽煙淮甸猶傳檄鼓角嚴城早掩關
爲想十年征戰苦至今猿鶴怨刀環

送子縝南還

玉河秋色薊門煙翠黛離愁咽管絃
羈旅中年難作別文章孤唱更誰憐
西風村笛旗亭酒涼月夷花海國船
料得故園重九會登高相憶有新篇

樂毅墓和鄭會

生合奇兵五國來死猶埋骨傍金臺能軍世盡推騎劫愛
士人惟禮郭隗終使客卿淪異地空傳書語感奇才望諸
莫表將軍墓知爲昭王首重同

閏秋飲集嵩雲草堂池北精舍河南士大夫新築宴
賞處也

勝地招邀萃羽觴麗廈闌檻帶虛堂清池水影先浮磴高
柳秋聲欲滿廊雲物略存嵩少意鐘魚猶接梵龕香雙藤
宰相風流歇尙有寒松翠過牆堂本接待寺地對門爲松
寓此庵馮益都相國過之高賦詩有戶
倚雙藤梵宇開無人知是相公來之句

湖南山寺門望雨

煙波杳靄接層嵐遠近行舟盡卸帆日暮湖南山下路滿

天風雨落松杉

傳鐙寺觀章皇御繪宏覺禪師象敬賦

開國當年氣象新
補天筆落自通神
鳩摩合爲眞王出
俯視凌煙閣上人

沈曾植字子培號乙盦嘉興人光緒庚辰進士歷官安徽布政使署巡撫

詩話乙盦治經精小學治史熟遼金元三史西北地理融通貫串探討所得多出前人畦徑之外詩自宛陵山谷諸家入而躋其奧不域其藩旁薄鬱積性翰情卓然自闢門庭固近日常一名家也昔年題余北江舊廬圖云舍南薛荔東櫺櫓桃上有碧蔭雙梧交慶厯先生昔寓跡榮陽畫師爲點點豪長風撼壁雞夜號起視北極三能高丈夫文字惜時命古賢涕淚沾蓬蒿機聲鐙影少時夢白馬素冠歸歲歲悲蕭蕭古寺日不暉送君握手歸巖嶺青龍入墓歲慰居者思蓮甘薏人天知清淇流水日千里尺素亟慰居者思蓮甘薏苦憂患共綠轉黃迴變復更步屐昔憐阻城關衙觴明又數征程游仙且作諸天想抗議無慚諫苑聲我

識卷苑辛苦意注經補史企書成時余
方奉先太夫人諱將扶櫬返河北也

曉禽

朝氣動眾禽檐端語喈喈我心感明發起坐與之偕萬籟
戰清秋意車軼埏垓吁嗟做老人蹙蹙行何階徙倚就南
榮陳編強差排古人終已矣來世誠難裁喉舌詎有殊欣
憎邈相乖近前姑婉變視遠皆奇孩故紙諒難綜故言復
何諧冥冥獨歸卧颯颯嚴霜來

日入

日入燭代明軒窗映琉璃交光羅幻影鏡鏡無成虧背舍
有閭虛眾芳斂暝姿微風定香過未見心先知視聽各有
程晦明亦有宜喟然念遽生過關停車時負杖立廣階西
南望參旗出門視路人各有幽求思摸象盲女愁煎膏智

者悲清鐘鐙寺遠悟了終何之

寒雨積悶雜書遣懷襞積成篇爲石遺居士一笑

寒雲如覆盂漏天不可補曜靈避面久畏客牢鍵戶黯黯
江海蒸溱纒霰霄聚閉關且何事卧聽簷溜泫斷續綴殘
更啞啞輾虛補失行雁濡翼際曉雞上距水官厲威嚴雨
師從呂鉅盡收天一氣併作銀潢抒代雲不成馬衛竦空
飲甌河亡九里潤海溢萬家滬南朔相倚伏亢澤不均普
物物固難量賤天奈何許雌風四維來龍具不能禦了無
喁于唱亦不土囊怒翕習慣投隙披拂僅如縷俄焉目中
矚恍若負尸疰老妻頗多智裝棉劑吳楚藏姘燕趙產縮
胸甚飢鼠固知廣川谷實有異寒暑荆南五月來炙熱劇
烹煮伏金骨俱爍秋暴背其腐商飈一冷汰暫得寬腸肚

甯復此愁霖而兼溼寒茹不憂竈生龍將恐血爲蠱橘枳
改柯實蜃爵紛介羽嗟惟人不化何用適風土狐裘故黃
黃掩形不如褚清川浴垢疥焉事資章甫西園蕃草木花
葉故舉舉蠟花實非梅滇茶詎能苦嗟嗟老楮樹占地凍
不瘋旁有南燭實浪稱仙飯糲名雖疏藥錄味不廁菱蒟
鮮鮮若新沐風檻羣媚嫵茲族畏霜乾微倖且濡滑甯知
膏澤羸蠅蠍益孽乳窮陰未肯釋威類唏老圃陳君泥滑
滑稅輿踐今雨幽室共槃辟高吟忽揚詡長舒汲古綆高
曠尅敵弩相君筆削資談笑九流敘吾思古時人心鬪日
迎拒程馬蛻形骸杯盤代尊俎莫隨氣化運孰自喙鳴主
開天啟疆域元和判州部奇出日恢今高攀不輸古韓白
柳劉騫郊島賀籍仵四河導崑極萬派播溟渚唐餘逮宋

興師說一香炷勃興元祐賢奪嫡西江祖尋厝薪火傳哲
如斜上譜中州蘇黃餘江湖張賈緒譬彼鄱陽孫七世肖
王父中冷一勺泉味自岷觴取沿元虞范唱涉明李何數
強欲判唐宋堅城捍樓櫓咄嗟盛中晚幟自閩嚴樹氏味
荀中行謂句弦偈矩持茲不根說一眇引羣瞽叢棘限牆
闡通塗成咀晤誰開人天眼玉振待君拊啁嘻寄楊椎名
相遞參伍零星寒具油沾漬落毛塵奈何細字札銜袖忽
持去坐令誦哲人倍文失言詰鄭侯凌江來高論天尺五
畫地說三關撰策籌九府癰顏載火色烈膽執彤虎盪胸
萬千字得句故難住梁鴻瓜廬身禮殿擊鼉鼓滄海浩橫
流中渾屹砥柱可憐灌灌口咏肉失脰脯那復問尖叉秋
蟲振翅股懷哉海陵生江草胃柔觴瘡瘡濟陽跛海燕對

胥宇季子踏京華尺書重圭珪太陰沈暮節病叟偏寒女
出戶等夜行焉將燎庭炬百憂中繳繚四望眩方所賴君
排偏側冰窟日譴謗消此雨森森蠲彼愁處處天門開詎
蕩曷月日加午城隅卓刀泉中有鐵花點櫛栝百千株夾
道儼園籙樊口渺東望松風冷相語千載漫郎游招招若
呼侶東坡眠食地固是余所佇鬱沒老涪僇赭山疇踵武
興來舴艤艇徑欲掠江潯政恐迴颿撾商羊復跳舞

廉家荆浩畫松巒山水障子樊山作長歌余亦繼和
畫中看畫畫非畫高堂颯沓風雲開九百年前冥漠人鴉
叉招得精魂來建標峯如巨靈擘直幹松自秦時栽天紳
大瀑透空下彼豈胸臆填風雷礫礫磔磔嶂中怒耳鳴悅
忽驚濤催懸知松根攫危石石下定有龍湫洞滿盈之動

豈無日驪珠夜竊何爲哉荆浩北人山北性清秀不與王
維儕亦掀思訓撥昭道忍將金碧汙巔崖純全山水大冬
氣閉隱道與希夷偕洵洵五季人相食厲有憐王僧詰灰
戰塵飛不到蕭寺吳筆項墨隨塗措眞形太行接恆岳冥
寄桃源及天台風雲所通徑路絕若有人兮宅崔嵬固知
圖畫意未盡上方氣已通蓬萊十年江湖困卑溼董生平
遠非余懷長安豈知日同遠岱宗政恐山其頽乾坤干戈
身老病青鞋布襪行靡階投林甘寢幻思夢夢身化作松
根苔

鄭所南畫蘭卷樊山所藏元明題者三十餘人末有
張文襄題詩樊山自題七言長篇一絕句八皆丁
未都中作也

硯光閭脫由拳紙小字凋殘丁子尾尖豪破墨不破水元
是孤臣淚鉛泚昔爲王者九畹香今掃僧殘一錐矣圖中
兩花間九葉左方長短參差七六陵雲黯一星移白雁聲
催北風急右方二葉短復短心在零丁海洋畔可知正統
遠仍存塊肉猶延丙丁算國香零落天之涯國殤毅魄懷
王知南翁儻有南公語本穴嗟當木壞時嘔血總爲天水
碧唬魂常抱凍青枝當門翻恨無摧折祭鬼何妨入鍊持
遺事鄭元祐陳基韓奕各寫精爽何分在朝野吳中先輩謂
文山是在朝道剗心史已瘞承天代舞靈應依毫社滄桑
衍跋中述其語幾度紅羊換長卷珍留清閬玩題詩原是太平年黃閣紫
樞眉壽願十年我輩草間存一老不遺箕尾遠酒闌坐客
重披看若有人兮淚如霰嗚呼舜禹之事盜跖章昔爲狄

滅今梁亡西州華屋渺龍荒馬策餘淚秋淋浪我無橋亭
之硯端筴知陰陽亦無西臺竹如意朱鳥有囑空彷徨春
秋不作騷不光蕭艾變化蘭無芳提筆擲筆歌慨慷人間
誰要埋憂地一往牢愁天上寄

題所居曰海日樓終日盤桓不出一室每誦陶公雲
鶴有奇翼八表須臾還之句千載同情有如接席
意之所會卽事爲詩

我性好樓居東窗著匡牀未明得朝氣出地星煌煌坐作
岱頂觀海波浩滄涼真形見陽谷嘉實餐搏桑稽首摩利
支大悲徧諸方鸞駕先日馭鬢雲攝機槍密語千萬周四
施極羝羊福嚴普沙界兵氣爲慈光

迎日起何爲長生資沐浴霏霏流霞潤飲我初生犢協氣

外蒸濡奇溫中馥郁子珠抱靈根燦燦金華簇裸國薄何
嫌胎兒洗宜育咸池甘石經占此新陽復

安期爾何人得非魯連徒卻秦入東海傳爲列仙儒朝與
青童游暮歸紫府居鏘鏘白鳳皇侍從隨仙輿辟穀亦何
爲食薇不願餘披髮下大荒冥搜宛委書雲氣闕徐市岳
圖付仲舒誰言齊士怪正笑田橫愚南史簡不存長懷一
嗟吁

仁先自杭歸貽龍井泉一瓶

西施本是臣里女我與西湖久睽阻半生長作越流人想
見澹妝濃抹嫵狗兒年冬勇探陟始踏冷泉泉畔路張家
祠樓十日留看盡重湖雪月雨當時奢願游五岳踏破芒
鞋返胥宇稽留山下挂瓢人許我爛柯偕賭墅豈知乾坤

一反覆孰兩東門遽如許有眼忍見林希碑有足誰蹠相
柳土年年穀雨薦新茶空說石泉槐火煮陳無已自山中
來貽我龍泓白牛乳山裏依然竹筴清世上誰知蓼蟲苦
松鱸匏尊聊一舉藜藿腸鳴甘爾汝老夫吟嚙故難醒五
碗通靈空計數樊侯示我列仙詩我自幽篁山鬼處儻騎
赤豹從文狸夢見冬青不凋樹

止盦相國觴同社諸公於敝齋相國與庸盦尙書詩
先成曾植繼作

春風駘蕩來朝氣在巾屨川上逝不留吾生渺焉住平生
五嶽願跋者不忘步屐跡土室中萬象入偃僂身是古莽
民甘寢世無曙羣公排闥入有酒忽成醺有俎雞鶩兼有
邊肴核旅衣冠今四皓朋輩昔三署或拍洪厓肩恣浮魏

王瓠青冥馳野馬迅轡不容馭竹素儻相招焉能閎情語
錄公喟遐想南朝稱錄尚書事爲錄公見宣城集題目此欣遇字說一掀髯
析言勞介甫

逸禮不臺記遺書不師傳逸品畫不聖逸曲琴無絃天壤
廓無際逸者象其先古今邈無朕逸者游其玄坐作鯁溟
運立當鼇極掀神依少廣母室在崑崙巔焉識麼蟲聚中
有雷闐闐焉識須羅孔目有刀輪旋埋照不忘照鏡空羣
動前吾方耽逸病放意懷與安鑿齒入且半壺邱鯢有潘
新陽感積悴哀樂環無端庶以長者言將持日車遷酒闌
積絳算僂屨吾生觀

霽雪照江邑不能濡海潯餘寒猶滲骨襲我羊裘人秀樹
迴含綠鳴禽亦懷新天光延午景草色晞遙矧花事可蠟

屐雨行隨墊巾豈無填海石噫此無懷民夕照散車轍長
煙凌塞氛還將洛生詠付與臨川論

答若海病起之作

吹盡東風江上村剝幡心動不堪論宵行齋鼠狸難捕怪
事巴蛇象可吞憔悴詩人依病榻微茫易意筮歸魂無窮
天地長勤客目斷秦東碣石門

還家雜詩

九服感靡騁我懷良鬱陶憧憧野馬塵送我乘輪飈脩軌
一超忽春光滿江皋黃花菜根味紫花地丁膏五色蠶豆
花如鳴蘭絲勞農宗生民始擊壤成咸韶誰與飭五材禾
邊倚之刀遂使糜爛戰不恤乾坤焦吾里綰吳越風雨憂
飄搖有粟無金湯慢藏盜之招經行揆形要日暮元雲高

二妃洞庭宅三姑泖湖居娥娥天帝女應化爲蠟妹秦帝
吞八極游觀戾海隅東南天子氣劉項先徵歟如何汙長
水株累千囚徒二妃風湘山三姑沈柘湖波濤秦簿令觶
觶頭爲魚吳楚亡國悲靈威爲宣抒邢系出元公神實周
黎餘澤國春水生傳芭會吳飲千秋通肸蠁三戸同喑鳴
我代博士對用裨枕中書

王店有三姑廟船往
樵菴村者以爲標識

水竹交蒼蔚柁移入支涇春陰澹原隰遙見孤花明蠶候
百室靜阡陌希人行林陰見犬卧日午聞雞鳴婦智敬無
曠田更勤得生幸無街彈室不解閭師爭淳俗偶存在兒
童樂柴荆卽此是瀛濱潺潺水樂聲

魏塘迤以北漢塘迤以東海防來自古內庫外差隆吾郡
南江委谷水蟠其中津渠交地泐隄堰爭人工頗疑馬塘

築實絕分江通從茲南紀絕桑鄆言皆窮燕齊填九河嬴
氏湮三江所以山海間處處留秦蹤毋以仲初記上揆神
禹功吾將咨海若一往皆晷空

荒草春茫茫言尋大夫墓兩海風馬牛魂歸自何所散民
怯公戰矯以鶴軒拒懿公死社稷殃矢志先諭傷哉空國
走不見與尸旅刳腹作黃腸呼天心獨苦有臣乃若此足
以知其主衛國君臣乖十世餘殃注亡虜幸偷生有言皆
冀土萑宏血在蜀精衛翔漳渚神化妙難量吾言公儻許
衛宏墳墓在縣西
南與余家墓近

元季九州沸吾州獨安甯濮川叢桂枝雅詠琴清英景德
錄僧卷金蘭有友聲顧徐孫卓陳卜宅皆賓萌山紀貝家
宅谿環仲孚庭淮張死不怨謠諺觀人情地理有變易徑

涂入夷庚戰士負羽守兵家扼吭爭兇我細柳營月波夜
淒清昔者樂郊語今茲劫基征條樂豈無戀鵲枝依復驚
愧無孫叔智甘寢息郢兵長爲越流人踟顧重行行

汝南雞初鳴危棲俯平野夜氣靜濛濛潛陽伏其下纖阿
西未沒曜靈東將駕晦朝苟非會易象安從寫稽首觀世
音將無金母假陰陽卽空有一異焉存者吾老學弇州文
身久當捨寶華有天女願炙曇陽輟

來躅循未徧去輪展方遒居家翻若客兒去翁難留頃刻
薔薇花舒英送行舟杜鵑如惜別一雨皆垂頭後閣待支
楹前園計開疇貽書慰老友來月煎茶謀卽事有增益隨
緣共綢繆吾生託性海安往非虛舟

乙卯五月重至西湖口號

來趁西湖五月涼憑闌盡日醉湖光聖因寺古佛無語一
杵殘鐘搖夕陽

聚散由知有定緣故人重見各悽然觀河莫話波斯面已
隔風輪五百年

苧蘿人作拂拭妝爲借曇雲掩淚光解道夜山元勝晝不
須朦朧怪襄陽

老人濟勝已無具客子登樓還有情寄語葛仙休悵望騎
牛或恐有來生

簡西巖老人

海日樓頭倚夕陽春秋直爲蟋蟀忙遠人如杌忽移樹深
草隱花微度香水位星搖占害氣金神氣伏避炎方奇胲
刑德非無意會與閭昭一審詳

炎宵無寐夢無家
強倚欄軒待曙霞
病眼觀空增黯黯
文心失侶不雄誇
飛來白鵠傳書簡
想見蒼龍潑茗花
獨樂襟期隨地在
吟懷應爲晚涼加

再疊前韻

寥天一去入寥陽
翻覺雲居數劫忙
法樂靜時常在耳
鬢花萎後別生香
仙家上法通三世
月地中庭可一方
晚歲王官無箇事
合將詩品更斟詳

斷虹下飲川中水
高壁明翻波底霞
散卓筆書毫最適
吉祥車挽穩相誇
心銓電續光明綫
意樹詩催頃刻花
今夜月圓誰與望
影池荇藻想交加

一山過談

剛腸薄俗兩迴瀾
天與詩人鉛汞牙
堅壘書城劇攻守
撼

日日身言四卷一二三
風大樹增盤拏爭枝俄然墜啁鵲高枕不聞號曙鴉道人
心是不灰木活火與潏陰林茶

日日

日日闌干望寥寥節序違雨林沈鵲井潮步漲鼃衣樂府
劉生詠春秋鐸氏微餘年更無夢萬事不如歸

芳草

芳草萎已盡王孫歸若何夢天甯有使槁葉尙憐柯水相
觀浮世蟲聲咽挽歌橋邊搖落樹祇是白楊多

閒階成躑躅曉坐一頓申寒日光明薄頽波變轉新參方
稱幻寄嘯侶得畸人芋栗秋當熟階除烏雀馴

老友馬季立孝廉挽詩

故舊隨流水山川黯夕陽儒風於世盡經苑喟人亡懿子

姱修素翻來講肆翔高齋憑楚望篤論警梁亡大義甄劉
賈前聞總趙汪情能綜五例詢或迨三商苟況居齊久顏
先愍楚傷飄零仍祭酒孤憤鬱中腸一紙傳郵寄千言砭
俗剛白頭逢異俗素願誦同方豈意晨星散俄然宿草長
赴來鄰笛斷哭罷寢門涼庾令江樓換文翁石室荒蟲沙
時共化麟角學誰昌紀叟聾焉在曹褒視益茫悲來偕五
噫怨極懟雙王渾沌無愚智乾坤積痼瘡一哀回白首來
世更何彰

梁鼎芬字星海號節庵番禺人光緒庚辰進士改庶吉

士授編修歷官湖北按察使諡文忠有節庵遺詩

詩話節庵早歲登第以論劾合肥罷官年甫二十七
士論稱其伉直晚以南京疏薦復起王葵以後徵侍
講幄瓊樓重到金粟迴瞻徘徊芬芳溢於篇什嘗自
言我心淒涼文字不能傳出遂焚其詩今茲傳刻蓋

其檻
餘也

齋中讀書

聖人去我遠存者六籍紛遺跡非口授後生觀甚勤往往
一師說反復萬口云吾聞易蠱象育德而振民苟徇所不
屑戈矛已相因前有千年書後有萬載人何以立天地上
答君與親願持白日心光明照星辰

爲學如登山來萬陟者僅徐行必無躡闕步不到峻所蔽
有厚薄開塞豈由刃荀卿善言解性惡惜未慎剛決與果
敢道乃日月進仁義奉孔孟耿介尊堯舜悠悠總不濟百
年亦何迅

贈徐賡陞

足繭風塵鬢有絲政行井邑口碑衆人欲殺我何忍作

吏能狂斯已奇枉使郅都稱酷吏愧推王弼作經師驅讒
雪謗終何補不待他年負子期

出都留別往還

淒然諸子賦臨歧折盡秋亭楊柳枝此日觚棱猶在眼今
生犬馬竟無期白雲迢遞心先往黃鵠飛騫世豈知蘭佩
荷衣好將息息思量正是負恩時

佳人

閨風縹馬竟何年吹徹參差下眾仙公子歸期春水後佳
人情緒夕陽前碧芳傾盡痕猶溼紅飀飄殘夢尙牽渺渺
天河幾回顧自舉簾箔數星躔

桃弓射鴨儘蕭閒縹緲仙居紫翠間不盡情懷隨逝水更
無謠詠到深山夕張瑤瑟憑招月朝索瓊茅自閉關蕉萃

沈郎初病起肉芝應爲駐年顏

同徐鑄訪七星巖石罅祖龍學題名作長歌

秋風動地潭水枯清游載酒子與吾笑談已過茨塘外回

見村屋皆畫圖紛紛姓氏滿巖洞周書元寬博包書肅癯

范陽擇之亦至此博陵崔子相馳驅巖內先有博陵崔之才祖無擇至此皇祐

二年仲春十三日二十一字更聞石罅字未滅蘇齋有紙不得摹春洲

畸人始尋見著書且補儀徵無我今麤猛仗心膽子復英

特少髭鬚巉巖共向仄徑入鞠躬恍若公門趨余生世途

每寬坦到此真覺形體拘手捫苔壁引蛇沫以火斜燭相

叫呼分明七字魯公體崔之才祖無擇題銀鉤灑落瓊枝腴回身

小立若有會追憶史乘微歎吁公昔從游泰山下要埒守

道兼寬夫抗言行聖定百世袁州啟學繁生徒臨川柄國

枉人罪酒瓶三百輕召辜惜哉不遇張子厚流竄德慶成
冤誣遺文煥斗集名穆修派手力儻可分開洙此官雖鄙奚
足貴方寸蕭散誰能逾題名山澗知幾處大雲銅石羅浮
俱他年同著幾緡屐盡收寶刻當瑤瑜

端居賦興

閒庭雨過晝添寒柳竹青蔥俯一欄漸與世疏文筆放偶
緣春好酒杯寬石屑苔潤初安日水面萍分獨下竿惟有
佳禽笑多事中年心意未闌珊

重至長沙寫哀

浮世蓬根不道憐秋懷到此更追牽再尋舊巷悲回轍獨
泣愁春淚徹泉報國未能伸志事沈湘空自夢嬋娟剪鐙
暗記當時話身是孤兒十九年

寒夜獨語

寫入幽通黯一鐙
神人髣髴事何曾
月明深巷疑聞豹
風肅清簾不到蠅
久別花枝憑夢折
無多酒力帶愁勝
年來莫溯心中語
何止籬間嬾媿藤

讀韓致堯詩感題

曉來微雨較春寒
詩愛冬郎盡日看
亂世崢嶸詞反豔
暮年蕭瑟事初完
鶯囀幽獨看看盡
馬走煙塵寸寸曄
鳳燭百條同一淚
今疑紙上未曾乾

誰識天心久廢商
殿前執手暗沾裳
從亡盧植會河上和
韻吳融竟異鄉
花好似忘春已去
塵飛真恐日無光
由來宦者傾人國
錯怪唐家白面郎

同張琳論事談詩有贈並送歸省沅江

微雨灑清晝閒芳照孤館平子實通士兀特又夷坦暫親
冰雪寒久坐布帛煥竦身順所止繡蘭堅不損追陪有幾
日舍我一棹返千里庭闈心此官亦閒散余情似飛絮共
汝江海遠勿須怨桃花貧女嫁常晚

樊川龍豹姿不偶溫李治扶持萬代人吐詞最英雅吾生
膠夙好豈惜諧者寡昨宵論詩派同志無厓厓罪言虛上
策空有淚盈把世味區蘭猶人才見玉瓦蒼茫百年事恨
悵不能寫

得伯嚴書

千年浩不屬君乃沈痛之神思可到處繼繼通其詞窮山
何所樂予心忽然疑試君置我處魂夢當自知把書闔且
開情語生微漪出見東流水湯湯將待誰

江船遇長沙曹刑部廣楨贈詩

昨舍故人歸山庵路逢曹子披塵函欲澆江水瀉智慧一
雨飄落舟中嵐手持賢兄好文字辨章學術窮其探前除
回穴啟真祕使我有舌不敢參論仁特采東塾說薪火何
止傳湘潭菊坡精舍別來久夢中楊柳空鬢髮大師不再
下無學妖狐晝出言二三後生少年嗜鬼怪經義新說青
於藍本心已昧非可懼亂流既甚誰能截我惟造聖祇一
軌不到真處皆空談李固可冤季長調彌遠不罪西山貪
時危致君竟無術便有書論徒面慚千年耿耿挂心目自
恨霜凜旋羸驂江山大好正堪隱誰與百戰湘人男時平
豪傑不足數曷哉吾子視所擔

贈侯官沈瑜慶

沈郎都市初相識不待文章發英直虎豹斑斑風矩存
有才獨俊無淪則乃翁知國出威名旌旗不動羌胡驚異時
霜鬢四海見獨瘞幽恨誰能明生時未接春風坐神儀想
象君其頗江南百姓最知恩今見行驄淚猶墮直須清節
表時流莫令人世說蘭猶君不見龍圖文武心鐵石萬口
爭傳范慶州

光緒三十三年十二月乞病紀恩

多病光陰負罪身天恩今許作閒人堂堂千載蹉跎去了
了餘生涕淚新草木力微安得療江湖心遠更相親衰年
那有酬知日歸種山田算一民

半山故宅

題詩武庫至英雄變法君臣意所同琴瑟不調原可換蘭

猶未別自難終推公賢懷惟迂叟歎世因循有晦翁遺宅
荒涼共追弔紛紛兒女鬧村叢

壬子春怨

桃花避世認前身誰謂尋芳是路人
撩亂林亭門外騎清寥池館雨餘春
華年倏去瓊簫恨冷月空來寶鏡塵
獨抱素琴宮漏歇淒涼鳳翽共龍脣

紅梅何事有雙身永夜孤心不寐人
病馬雪寒猶戀月流鶯天暝卽爭春
情中劍首輕吹映劫後琴心忍作塵
玉女遭迴還在側雲璈奏罷慘蘋脣

露滴鸞衣窈窕身香成終有返魂人
微蕩花色頻看日將盡鐘聲不貸春
玉合收時存夢影瑤笙散後愴音塵
天荒地老相思淚化作春潮嚙石脣

暗雨殘燈共此身深閨微歎更無人野塘芳杜先侵水市
窖唐花竟奪春電火乍飛鸞墜影林風忽過燕驚塵玉驄
一去歸期杳匝月蘭醪未染脣

樹老園荒藤繞身雙扉今啟久無人咬花錯引金鈴犬竊
藥爭尋玉洞春草際鹿蹤知暗路雪時鴻爪惹纖塵題紅
自笑誰曾見多事琴僮一展脣

王檢討

閩運

同湘賦別

爲憶江南亂後山飄然巾笠往仍還百年心事看殘照一
代文章有要刪杜本谷音吾所屬黃衷海語若相關崇陵
片石歸裝穩頭白臨分淚對潛

寄懷王祭酒師平江經舍

書副傳聞在岳陽黃巾尙愛鄭公鄉閉門得禍知將亂辟

地全軀祇自傷
玉石焚餘還有火
衣冠氣索恐無陽
門生垂盡從溝壑
執管何時上禮堂

晚晴移詩匯卷一百七十三終

晚晴移詩匯卷一百七十四目錄

端方 一首

顧翰 一首

陳熾 七首

許珏 五首

何維棣 四首

李宗言 二首

尹恭保 三首

鹿學尊 一首

陳鍾岳 二首

陶玉珂 一首

謝煥樞 三首

馬錫康 一首

林紓 十二首

林鶴年 五首

虞景璜 一首

葛寶華 七首

沈家本 十五首

秦綬章 十首

張亨嘉 九首

陳同禮 一首

伍兆鰲 一首

何維棟 二首

劉光第 七首

柯逢時 二首

張預 六首

張儔 五首

楊履晉 一首

徐定超 一首

晚晴簃詩匯卷一百七十四

徐世昌

端方字午樵號匋齋滿洲旗人光緒壬午舉人官至直隸總督罷再起候補侍郎署四川總督殉難諡忠敏

詩話忠敏風流儒雅卓犖不羣出領疆圉搜羅致賢士大夫置諸幕府鼎彝圖籍碑版書畫廣搜博採相與矜賞華山碑海內三拓本一時並至於兩江節署中築寶華盦以紀其盛從之游者輒謂畢靈巖阮雷塘去人不遠移節畿輔既罷復起遂遣資川之難蟲沙小劫慘歸先軫之元虹月寒空孤映葦宏之血遺篇零落良足悲已當王辰歲易實甫以馬湘蘭畫蘭柳如是畫柳兩便面合裝蘭柳客老簡書叢裏春風度詞中有句云楚晚香殘金城然語識時忠敏方撫江更改柯易葉那識歸根處隱然語識時忠敏方撫江蘇在被難前十年也

游莫愁湖

五月湖樓趁夕涼重來祠樹飫新霜秋風莫續篴篴引春

夢誰尋玳瑁梁孫楚酒樓餘蔓草麗華宮井贖枯楊佳人
底是生南國家世分明系洛陽

顧翰字孟平江蘇華亭人光緒壬午舉人官戶部主事
有宜雅堂集

新秋

盡是蕭疏意雲山入望賒涼蟬驚落葉孤蝶抱秋花寒聽
山中雨明飛江上霞村邊吹牧笛絕勝往年笳

陳熾原名家瑞字次亮瑞金人光緒壬午舉人官戶部

主事有袞春林屋詩

詩話次亮入直樞曹喜談時務惜未
中年而殞其詩託意縣邈骨秀韻清

微雨坐池上作

雨氣倏無際翛然生夕陰春萍緣水碧城樹得煙深偶會

濠濮意非無江海心方舟何處所愁絕坐難任

偶作呈元俠

遠憶將何益孤飛病未能詩心緣事減酒過逐年增未老
已如此長貧自可憎生平知己淚悽絕夜窗鐙

感事

河伯笑海若小大固殊科雜縣眩鐘鼓雅音豈不和性質
閎聞見俛仰成山河深識邁當世薄俗常見呵遐哉懷古
心太息竟如何

徙薪不及早燭火能燎原羝羊亦解觸乃自撤其藩族類
旣以殊禍害安忍言飢蛟宅深浦水族無安瀾猛虎在灌
林百獸多憂患前謀已無及後慮甯復論當斷不能斷揖
盜徒開門

食貨生之源易窮久乃變金玉炫耳目始覺菽粟賤逐末
競錐刀舉世互相煽海客多奇淫大利遂私擅桑孔術亦
工何由救暝眩節流豈無策睫遠誰能見哀哉涸轍魚惻
矣巢堂燕

乾坤託大義振古匪自今誰欺戴髮齒而忍懷佗心黃金
爾何物能使聰者瘖胡越殊風會歡愛同裳袞禍機伏肘
腋一發誰可禁人心遂如面咫尺成商參好音伊可懷亨
魚漑釜驚惻惻匪風詩寄慨一何深

湘江春望

麥風淒切子規聲僻縣繁花眼暫明留滯何緣識天意飄
零今已悔狂名春寒十日仍披袂夜雨雙流半入城誰踵
嘉名舊湘水芙蓉愁煞涉江情

許珏字靜山晚號復庵無錫人光緒壬午舉人歷官出

使義國大臣有復庵先生集

詩記復庵天性孝友服膺其鄉先哲高顧之學幕游四方受知於丁文誠聞文介鹿文端皆以國士待之先後隨節歐美嗣充出使義國大臣倡禁煙之議強聒不舍朝野咸動人傳其鄉試詩云襟懷千里月衣被萬家春謂有雅量存詩不多具見志趣

謁范文正公祠

貧儒困韋布鬱鬱不可居所見祇利名得志將何如人生髮未燥入塾誦詩書道通天地人識豈囿一隅舉世病飢溺拯之在吾徒偉哉文正公志量世所無伏處懷廟堂宦達憂江湖立朝三十年寒素如其初祿入贍同宗身外無贏餘世儒不自奮觀之徒嗟吁我來謁公祠再拜立斯須願言式高風永爲學士模

清江道中

靜居忽不樂攬轡出風塵生世逢明聖安閒愧此身請纓
行有日橐筆且依人四海男兒志馳驅豈爲貧

春宵苦不寐破曉上征車野曠天垂幕河乾地捲沙緋桃
十數樹綠柳兩三家何必江南好天涯攬物華

早行有感

生年三十四未嘗離庭闈四年游虞山間月輒一歸我母
生我晚拊我如嬰兒飲食必加詢冷暖爲護持一從出門
來水陸疲奔馳水行畏風波陸行苦崎嶇夜半坐車轅冷
露溼衣裾驅蹇入水中月黑流聲嘶深淺不可辨呼吸蹈
危機日午行未息面汗皆塵縑欲飲不得飲忍飢不言飢
儻體慈親心見此將何如日暮暫解裝挑鐙作家書兒行

皆坦途兒安毋勿虞

汾州道中

劫後哀鴻瘖不鳴天涯極目淚縱橫山經積旱春無色河
咽殘冰夜有聲萬里輪蹄消白日幾人肝膽爲蒼生蹉跎
未遂澄清志何日馳驅報聖明

何維棣字棠孫道州人光緒壬午舉人四川候補道有
潛穎詩

孤舟吟

倦馬嘶舊都賓鴻歸故林念我遠游客恆年滯江潯登樓
眺南天家園掩雲岑矧茲秋氣涼闕河紅葉深嚴霜肅大
野宵風吹我襟榮利詎不羨羈思固難任旣觸梁鴻悲誰
憐莊舄吟

麓山懷古

諭苗臺下雨如煙天馬浮嵐落眼前往日旌旗餘殺氣至
今桴鼓出羣賢橘洲屢阻和夷策西嶼爭傳檄蜀篇寄語
防邊諸將吏異時靈麓卽燕然

游鹿鳴山歌

仙都昂首標孤青誰與抗者惟鹿鳴仙人遺鹿說悠渺東
坡有詩山迺名以人傳物物傳地勝游文藻垂千齡長公
龕側巖花馨曲廊下俯南賓城左枕青牛右白馬波光雲
氣紛陰晴古竇緯藤蘿流泉甘且清炎天日方午累榭風
泠泠綠陰爲海不知暑岷水西來如帶縈地屬公家百不
禁往往呼盧挾妓汙山庭瓦松井蒿交四榮猿狐攀檻蟻
穴檻我來登眺拜祠宇平臺啜茗蒼嵐生作詩一笑貽好

事異日請志邕州馬退亭

寄懷羅濟川大令

錦水迢迢雙鯉魚清談天末迴愁予壯懷憂世供多病中
歲辭官勇著書雪苑高吟圖主客江關宦迹混樵漁子雲
寂寞應無恙聞道東鄰已卜居

李宗言字畚曾號犂巢晚號償圃閩縣人光緒壬午舉

人歷署廣信知府安徽候補道

詩話畚曾爲沈文肅公外孫攝廣信府篆爲文肅舊
治威豐間猶寇僕廣信文肅城守夫人林氏據井自
誓已而援師至圍解父老尸祝文肅并祠林夫人畚
曾奉母居官舍追念自出因名井曰誓井堂曰寶井
堂勤於吏事不廢風雅在郡休暇恆集勝流觴詠且
獎拔知名之士都其文爲守信錄詩近玉谿於近代
出入陳元孝吳梅村宋荔裳諸家

金門島弔鄭延平

河山破碎義旗孤十七年中隻手扶骨肉全家甘北面
荆榛萬里創東都紀年復覩黃初厯祖臘猶存赤伏符
酒罷胡牀灰壯志九原知有大聲呼

冶春

綺陌韶光眼底收酒痕狼籍興句留連番雨意門前路到
處鶯聲水上樓裙屐年年觴板渚煙花厯厯記揚州泰孃
豔夢無人喚散作江南十斛愁

尹恭保字仰衡丹徒人光緒壬午舉人厯官雷州知府
有抱膝山房詩藁

內閣學士尙頌臣同年薦起前禮部侍郎宗室寶竹
坡先生未允

直言極諫薦宗卿露竹霜條舊有名匡濟自應求國士謫

居竟爲賦開情漢庭一例憐張猛宣室何年召賈生重演
五行洪範傳暫儲經緯待澄清

大招篇

四座請勿喧聽我歌大招白雲帝鄉有毅魄化爲星宿騰
中宵真御史吳柳堂官臺省肅風霜烏魯木齊悍將肆殺
戮公以冤獄陳天閭一再抗疏爭不已悍將讞成竟論死
邊民萬口頌天子嗚呼柳堂真御史御史敢諫不愛官優
容愚戇天恩寬伸此三尺法詔書旦下夕挂冠虞淵日墜
公痛哭九死更生臣可讀再官吏部典銓選每說先皇淚
盈掬我朝家法本秩然屢世述作皆聖賢先皇上賓無誕
育龍興代邸神器傳天家例不比士庶議禮無可爭後先
先皇御宇十三祀功德巍然被遐邇海內蒼生傷考妣况

公執簡列金凡鬱鬱橋陵埋夕照百官鹵簿趨原廟九原
臣願驅狐狸是夕文星失光耀遺表萬言臣志畢一腔熱
血行間出深宮堯舜涕淚零曠代孤忠古無匹魂兮歸來
駕雲車聖人璽書方褒嘉煌煌天語懸日月公卿動色相
咨嗟魂兮歸來享尊俎燕人請祠設鐘簋臨淮使相飛章
奏奏說摺紳各酸楚魂兮歸來侍先皇惠陵宰木隱蒼蒼
夢中有人贈建炎遺憾朱仙鎮二句足成之

自喜名山勝八騶幾人老去尙封侯建炎遺憾朱仙鎮元
祐完人鐵漢樓狂引酒杯銷塊壘閒箋草木紀春秋由來
史冊彰公道尙載王堅守合州

鹿學尊字杏儕號艾聲定興人光緒壬午舉人官高平
知縣有艾聲詩草

詩話杏儕文場馳逐早有聲譽晚乃與其子同舉於鄉同歲生皆尊爲丈人行與余兄弟甚諗屢相酬唱嘗和余雪後寄詩有句云世宙亂成誰反治園林榮盡亦當枯撫時感事誦之輒爲慨然

南天門輿中作歌題新興店壁

西來山勢如蜿蜒谿行到此登南天俯瞰三面下如井羣峯萬壑羅森然危樓高欲接牛斗屏藩東拱無窮邊試劍峯兼冠與鏡崙崎突兀相鉤連奇觀疊出看不盡胸襟已覺開萬千助人畫稟與詩料豪情直欲凌雲煙諸天閣上數聲磬不知何處藏神仙停驂苦未細憑眺斜日西沈催著鞭

陳鍾岳字小汀號亦藏長沙人光緒壬午舉人官黎城知縣有聽楓館詩存

詩話亦藏詩詞稟皆未刻詞婉約清空猶有叔夏聖與遺意勝於詩遠甚

疊韻寄黃笏唐

維申

歸思日夕繞楓林
明月多情映遠岑
子美長饒悲自昔
春虛寒笛詠勞今
婦儲舊釀供游醉
兄和新詩慰獨吟
寄語故人知此意
報書珍重錯刀金

風雨

縱橫風雨撼幽齋
屋漏連牀瀑注階
雲影羃山峯盡失
灘聲動礪石能排
衰殘短鬢先饒冷
身世長愁亂入懷
強自傾觴期一醉
天涯安得酒如淮

陶玉珂字子佩秀水人
光緒壬午舉人官直隸知縣有
蘭薰館遺藁

偕凌衡甫和鈞謁錢武肅王祠

東南保障古諸侯
半壁江山一綫留
箭落潮頭自神武
花

歌陌上亦風流空餘鐵券磨塵劫尙說金錢買夜游患氣
未銷兵革恨滿湖風雨戰松楸

謝煥樞字肖榆餘姚人光緒壬午舉人官廣西知縣有
麻園遺集

下麓山歸途卽事

石瘦泉清賞未違下山斜日尙輝輝長松弄暝留雲住飛
鳥趨林背客歸愛晚涼消青草瘴吹香風展紫荷衣湘江
一帶征帆色多向衡山九面飛

楚館秋深自悼浪跡并懷金陵琴泉兄

寂寂長沙館淒涼窮士吟悲秋憐宋玉失主慨陳琳劍握
銚猶澀桐焦韻肯沈瀟湘餘古曲寰海幾知音

游桃源

避秦非秦人乃是周遺民迢迢將千載始有人問津問津
可暫不可狃恐落鄉里小兒口洞中不識漢魏年正可位
置羲皇前古人寓言麗勝地我輩登臨須會意境僻便是
方壺區世遠那容眞僞計初陟危磴緣雲上旋憂窘步捨
輿往是時秋山桃不花轉悔春游屐慳緬雖然無花亦復
佳目覩那及心懷想何年蘭若抗塵顛卻招衲子窮眞緣
松高不受封五秩竹遂何煩招七賢松竹陰陰羃紅旭巖
溜泠泠聽青玉古洞煙霞淪石膚仙眞面目闢巖腹巖腹有闕
開眞面目山亭突兀半插溪野橋迤邐仍架谷天雞曉鳴聲
應鐘玉芝陰敷莖綻肉林巒倬詭世間寡祖龍何得施鞭
赭神仙荒唐說何迂仇池菊水況愈下我心有得語同游
桃源栗里境本侔周入嬴秦晉入劉空山自閱古春秋義

熙編年名號留作計肯向仙家求嗚呼仙家無此懷葛儔
馬錫康字聲甫浙江山陰人光緒壬午舉人官衢州教
授有守拙軒吟藁

題巖松別墅壁

綠滿庭前草不芟依棲合義卜幽巖行雲早蠟游山屐破
浪休驚度海帆徧閱人情殊冷淡備嘗世味別酸鹹家傳
將略留銅柱何事論功鐵勒城

林紓字琴南號畏廬閩縣人光緒壬午舉人大挑教職
贈三品銜有畏廬詩存

詩話畏廬古文導源韓柳於近代酷嗜震川惜抱所
譯西史及說部不下數十種風行海內畫宗三王上
溯宋元名家寓京師垂三十年嘗主金臺講席晚年
以授徒賣畫自給辛亥後九謁崇陵有願亭林之
風詩以餘力爲之自饒風骨陳石遺盛推其
題畫諸絕句謂突過大癡雲林今不備錄

十一月二十一日 先皇帝忌辰紆齋於梁格莊清
愛堂五更具衣冠同梁鼎芬毓廉至陵下

模糊陵樹尙如春巷陌鳴雞漸向晨車馬仍隨殘月影衣
冠竟類早朝人依依

先帝疑非分子子餘生恨不辰五度隆恩墀下拜失聲慟
哭兩微臣

偶成

生平自笑作論癡海內投書謬見知文字何曾真有價乾
坤試問此何時老來早備遺民傳分定甯爲感遇詩兩字
網常還認得仍將語錄課諸兒

叔節先生善余前後共事學校八年矣迺三年之中
三更鉅變叔節有田而不能耕余無一樣之底況

乃田耶作此調叔節並以自調

天下爭傳姚氏學八年聚首向長安
文名盛極身何補世難嘗深膽共寒
永日戀田仍在客經時修史未成官
較量終勝閭南叟江上無家把釣竿

寄葵霜

信君終始如程濟老我畸零類謝翱
同戀餘明對殘月不知苦語近離騷
剖心還愧酬恩薄毓德常疑責地高
懷惻那堪談往事西清悵望首重搔

廿日同毓清臣至梁格莊居梁髯之種樹廬時髯病未能興也劉蔥石參議繼至賦呈二公

歲歲朝陵住此中舊時日影射窗紅
翠華莫泣長年靜黃葉無情是處風
觸目飢寒憫闔戶回頭衰病念髯公
茲來

共搵遺民淚三子甯云道不同

寄懷鄭蘇堪同年

擘箋遙訊鄭司農不得音書又一冬老我依然如馬磨問
君爭說未龍鍾孤微甯改剛腸熱盤亘知無尺土容大梗
已成道穢滿樓居端合日哦松

北溟得金輪玉璽名其齋曰金輪精舍易實甫爲長
歌記之余既補圖亦媵長句

長壽二年作寶七七寶之中此其一己未九月稱金輪鳳
閣鸞臺署制冊丁亥日食應女變翼軫同占孽胥出楊花
久謝李花穠感業寺尼煽妖逆汜洛二水石與圖尙方玉
璽同護惜通天行且置九鼎區區一璽特爪蹠五王斗起
張柬之七廟空尊武士驍上陽荒踣伏鬼誅遺璽還存記

天策迴思藏璽長樂宮漢家老寡亦釁客婦政一行玉步
改舉璽抵地究何益卻令弔古動酸梗亡唐亡漢均女孽
北溟嗜古得此寶考訂精審加題識哭庵作歌尤詼詭幾
幾誤我讀雌霓後來覆國尙有人晚清恨少梁公狄

五月三日至小龍湫宿天柱峯下蔣氏兄弟屏霞廬

羣峯如堵牆盡處出篁竹赫然見天柱撐空聳奇綠展旗

名相拱揖軒秀合眞樸余足且怡蹶夾掖資健僕麓然入

荒翠升俯布巒麓屏霞

名峯

疑建標厯厯上畫幅抱拱致殊

佳縮接勢非複顯勝努巖張內斂陰崗伏雲際小龍湫發

聲震壑谷澤弗窮所趨梗險患顛仆樓窗忽聞雨細泉時

滲漉下匯成深池上仰巖勢蹙流雲如輕紗瞬瞥翳羣木

蕭然斷樵吐壯哉此林屋心儀翦刀峯冥胸亦森肅明日

能仁寺襍被巖下宿

自靈巖偕諸子至大龍湫

靈巖古神鄉信次日喁喁開軒峯巒集紋竅綠斑駁槩槩
苦山雨一暝接晦朔十里距龍湫荒尋頗惴縮坐恐山靈
笑責譙吾豈覺侵晨命籃輿犯雨入叢薄鬧灘湊琴筑奇
石礪齷齪抱竹團焦隱偃嵇山田錯眩深曉爲交踏險氣
且索荒漫若無覩朋息輿夫腳斗然聞水聲忻悵且交作
陰巖列積鐵漣峭動魂魄半天發龍吼初不挺頭角一吐
空際白立洗人間濁發坎鱗甲重墜澗紗縠拓隨風飄珠
塵得日耀瓔珞吞漱孰伸仰飛濺難捉摸瓏璽到此極何
必羨英嶽雲與草木合軋芴兼蒙絡綠淨爽心目青溼透
履屨聊向石亭憩敢擬神湫濯瓊境此一嘗夢境亦卓犖

吾生苦紛汨得此聊自樂

題密韻樓圖寄蔣孟蘋

密韻樓頭探撫豐詞家獨數弁陽翁知音勝似戈吳縣庀
得遺篇鄴架中

公謹生平重紫霞怨琴淒調感年華今從集外披殘刻何
不傳抄付笛家

費盡黃金翡翠裘好詞僅得絳雲樓浩然齋稟成全璧此
亦詞人數世修

林鶴年字肇雲一字鐵林安溪人光緒壬午舉人官工

部郎中保道員加按察使銜有福雅堂詩集

詩話肇雲少有大志喜談兵時人比之杜樊川陳同甫中年渡臺與林時甫京卿同禦海氛毀家紓難座主寶竹坡侍郎稱其場作五策通達時務可見實行侍郎罷官貧甚歲以巨資贖其家故交寒士時周其

乏千金無所吝詩雄深沈鬱兼有清麗之辭是從王
谿得力而不模仿宋體於閩派中自成一格者也

乙未五月二日紀事

天祚扶餘未可知兩河忠義盼星旗陳橋擁趙兵虞變鄴
國封韓帝不疑執梃降番尊使相築臺朝漢長蠻夷五洲
琛賫圖王會海上樓船望六師

寄劉淵亭副帥兼呈懽陽中丞

牖戶綢繆未雨陰東山瓜苦獨行吟頭顱拚以傳關塞肝
膽終當照古今黑海旌旗星斗上紅河壁壘霧雲深金牌
反報黃龍捷杯酒重開萬古心

丁酉四月初七日廈口東望臺澎泣而有賦

乙未四月初八

日訂和約准兩
年後改隸日本

海上燕雲涕淚多擎天無力奈天何倉皇赤壁誰諸葛還

我珠崖望伏波祖逖臨江空擊楫魯陽揮日竟沈戈鯤身
鹿耳屠龍會匹馬中原志未磨

都門別家畏廬同年

金臺留夕照忍淚送君行時事方憂國天心未厭兵渡江
悲暮烈伏闕仗書生

君偕壽伯太史卓
芝南比部上書

澤潞言何罪樊川

氣未平

杯酒逢燕市蕭蕭易水流黃河歌一曲白浪寄雙鷗楊柳
津沽月杌杌滬市樓遲君鷺門島重醉大江秋

虞景璜字澹初鎮海人光緒壬午舉人有澹園詩集

坐雨書懷

苦雨逐風來陽光倏西匿宿雲閣不起饑煙瘦無力嵐氣
鬱蒼蒼間向林際出忽忽長若人呼之不我卽遙天曠無

垠盡目無隻翼四野莽平沙何處問消息獨樹氣不春深
黜作古色欲寫贈遠人愧乏丹青筆相思在渭北默默存
胸臆

葛寶華字振卿浙江山陰人光緒癸未進士官至禮部
尚書諡勤恪有鍊石齋詩藁

詩話勤恪以戶曹受知於閻文介翁文恭性清耿力
矯朝士標榜之習謝絕干謁門無雜賓公餘手不釋
卷憤世嫉俗一寓於詩所作
祕不示人鮮知其能詩者

詠雪

玉龍鏖戰陣雲屯高卧袁安晝掩門新樣山川呈粉本長
明世界失黃昏春爭梅塢花如笑冷壓茅檐火不溫漫把
豐年卜三白路旁凍骨孰招魂

感憤

九關深閉夜漫漫欲別修門淚暗彈半世功名蕉鹿夢一時人物楚猴冠趨朝競耀朱丹轂斫吏羣探赤白丸喬木百年無恙在願留佳氣護長安

庚子雜感

南風驚聽杜鵑聲萬里浮雲蔽玉京共道新人嫌勝素何來匠氏代爲楹乞兒向火中先熱耕父游淵兆已成擬續通天臺上表自慚才遜沈初明

一飲狂泉舉國狂參軍蒼鵲競登場強教跋鼉追騏驎誰代冤禽訴鳳凰田彼南山空種豆行看東海又栽桑衰庸仰屋慚何補願乞留侯辟穀方

遠眺

朔風獵獵逼層臺放眼乾坤一舉杯身世蒼茫倉粟寄江

山寥廓戰枰開九天宮關排雲出萬里滄溟捲雪來欲覓
桃源在何處憑欄東望我心哀

偶成

萬木霜清水不波爰絲排日飲亡何醉中幻景邯鄲夢老
去雄心敕勒歌蒼狗白衣人事變青牛紺纓貴游多元規
塵起休相汗靜掩雙扉養太和

唐昭陵

神威龕定虎狼都海外虬髯一著輸天策軍聲推上將瀛
洲勝境集名儒一門骨肉殘龍子百戰河山付雉奴今日
五雲松柏路樂游登望有人無

沈家本字子惇晚號寄謠歸安人光緒癸未進士官至
法部大臣有枕碧樓偶存藁

詩話子惇爲菁士太守子髫年畢羣經於周官尤多
神悟初爲攷据之學銳意著書及官秋曹潛心法律
博極中外編詩始於咸豐己未早歲省親入黔詩多
紀行之作光緒辛丑有大元村哭天水尙書詩感舊
表微誦之心惻

雨後早行

兩三寥落曉星明如砥芳原案轡輕宛宛嘉苗含雨布濛
濛官柳拂雲生晨光泱泱鴉邊動新句推敲馬上成風軟
沙平吹不起卻添爽氣撲行旌

新晴樂城縣曉發

歸雲尙擁樹旭日駐扶桑我行一以眺曉色何蒼蒼農夫
荷鋤出得得烏犍忙土膏正覩起苗潤含清光車行深霧
中空濛沾衣裳村舍失近矚樓堞迷遠望須臾斂晨氣雲
霞絢東方北指冶河堡南瞻卧龍岡戒途道彌永成裝情

更長既作汗漫游曷爲念舊鄉

臨洛關有感

雄關屹屹倚青冥洛水滌洞擁帝庭方信張仵工墨守卻
同陽虎載蔥靈妖氛過後千村赭燐火歸來五夜青指畫
山形思馬服登壇故將悵凋零

沙市弔司馬夢求

宋沙市監德
祐元年殉難

湖渚通荆江港汊多歧出孤城據其中戎馬制奔軼江陵
號雄藩賴此犄角設一旦春水枯天心祕情謐胡騎蹈瑕
隙千軍奏筆葉南風更作惡鬱攸勢難遏此城痛摧殘木
州亦隨沒將軍擁貔貅平時盛咄叱兵敗乃生降草間忍
偷活微官雖祿薄此膝烏可屈浩氣歸太虛朝服拜北關
臨危頗從容愧彼膺節鉞殘兵半新鬼沙頭哭明月忠魂

夜歸來英風還烈烈

銅江秋汎

夕陽半在嶺掩映紅樹巔放棹暮秋壯山川澄且鮮泠泠
碧流瀉梢梢青林牽瓜皮艇子小容膝良安便緣行石罅
中與石相摩研容窄更屈曲湍急難迴沿裸跣波濤中推
挽如蟻旋時或荷以首時或承以肩老孱敢自愛飢凍誰
見憐譬彼入寒獄不睹陽光暄生計竟託此造物非無偏
窮日始艤舟隔溪漁火圓夢中疑雨來覺知倚灘眠此時
眾籟寂惟聞水潺湲

俞文節公墓

拱木陰懷宿草平碧峯環衛夕陽明階前芳醞寒初醑燼
後遺編錄未成不分浮華推宅相還將文字念平生羊曇

重到西州路零落山邱涕泗橫

六月九日同鮑敦夫陳書玉二太史邀李越縵農部
游南河泡宿雨不果移席江亭

宿雨驅炎歊開軒綠萬頃清風四面至習習吹衣領觀荷
願未遂來此賞幽迴酒深客忘歸敲冰復煮茗回望城西
山白雲接溟滓

病中戲題

生平不作維摩病今日官衙閉閣眠孰念勞人情草草漫
嚼睡漢腹便便暫疏期會閒非惡更逐風塵健卽仙檢點
千金方一卷庭梨休賦照鄰篇

渡漳河宿豐樂鎮

勤王之
師駐此

東風相逐過漳河列岸旌旗壁壘多閒殺將軍珠勒馬夕

陽荒草飲長波

過湯陰縣懷岳忠武

嗟昔宋中葉厲階生童蔡禍始貪燕雲孰遏女真騎康王
渡江來崎嶇踐天位初乃任汪黃繼更倚賊檜徒令諸將
佐披堅忘敵愾桓桓岳少保後起監眾帥鄆城一戰勝烏
珠欲引避太息金牌召十年功竟棄痛飲黃龍府此志傷
不遂異哉瓊山老持論何憤憤謂檜實存宋謂飛功難葬
曷勿度其時南北利與害湘湖諸盜平內患已盡去諸將
百戰餘頗各擅才智韓劉楊沂中淮海號鷹擊興元久開
府璘時繼兄玠背鬼臨中原響應河內外太行結民社慷慨
多忠義金主方偷安不復圖闢地國內諸宗王乖離心
攜貳海上諸舊將先後皆棄世所存獨烏珠西挫東亦憊

列城半焚盪曹司昧政治僉軍更驛騷閭閻久怨懟所以
豪傑士爭欲及鋒試儻用忠武謀規略布遠勢大軍取兩
京壺漿父老至烏珠雖梟雄久持必內潰一軍出秦鳳關
陝士凌厲一軍出淮右齊魯爭來會諸將苟一心恢復反
手易何爲失事機竟用畫淮計永絕中原心一髮安可繫
吾知檜再相曲伺帝私意造膝進蜚言獨力主和議飛死
掄稱臣檜亦不可制從此成偏安祖業慟淪替晉儒不曉
事口舌毋輕肆故里修明禋祠樹鬱幽蒼精忠抱遺恨濡
筆還揮涕

西安八仙庵牡丹最盛二月三十日雪堂同人召飲
感賦長句呈何忞僧郎中

名都形勢天下最此意蕭條已千載翠華西巡修舊儀車

騎聯翩四方會我亦述職來自東天顏咫尺朝離宮僕痛
馬瘡暫憩息湫隘不妨居市中白雲舊侶扈聖至告我春
深討花事城東精藍劇幽勝相約攜尊到初地一犁好雨
黃塵捐花枝濯濯臨風前鞋紅魏紫發奇彩孤叢縹碧尤
爭妍花下共酌羔兒酒花光羞對霜髯叟休教攀折殺風
景今年春事不辜負酒酣回憶春明坊左司倬直同倚裳
情時雅集獲酬唱觀荷賞菊攜詩囊君每攜毫挾天藻徐
陵格調最清老我常把筆隨吟壇好憑韻語寄懷抱彈指
光陰逾十霜故人各在天一方異國與君重把臂翦鐙促
膝談滄桑滄桑感喟不可說今日尊前話風月苦無李吳
金鳳箋妙句與花寫仙質

大元村哭天水尙書

海內論知心知心能有幾與君交素淡公庭接冠履沈埋
簿書中詎遑計譽毀君獨語同僚推許多溢美五馬去濠
州鵬翮程三徙述職來春明歡言酌芳醴泊余守渤海金
閭列戟聚雲泥分雖隔尺素通迢遞朝命總秋曹執法少
偏倚進賢陳密勿旁采及葑菲聞我考績來相迎乃倒屣
舊侶徧評隲陽秋有臧否用法寓慈祥說我識此旨一面
成永訣耿耿情何已妖氛起畿甸張皇到山鬼親貴詫奇
術假以雪吾恥君獨知其非密陳不可恃孤憤尼眾咻悒
悒勢難止西狩遂入秦怵離歎瑣尾羣雄益鴟張移檄究
禍始始禍眾親貴誤國魄應禡君乃罹此難繫鈴鈴誰解
入覲咸陽城出城訪君里驅車渡灃橋長虹跨波起其長
丈廿四工鉅君所庇行人免徒涉利濟頌桑梓入村問君

屋方興役又罷古寺一撫棺崔蘭頻揮涕馨歎眷疇昔浩
落固如在萬恨何時平干齡終已矣拭淚強回轍就車還
嗟唏言之愧不文奮筆疇爲誅

方順橋阻雪遇張春圃副戎

泰話舊

抱陽山色近大雪阻郵程疲馬嘶還壯寒鴉噤不鳴悲涼
聽畫角辛苦數殘更衾冷難成寐關心是早晴
故將殘營在牽裾涕泗加當風官燭短卷霧戍旗斜旅客
嗟無食遺氓幸有家詰朝征旆展早旭燦紅霞

自題癸丑日記

續齡住人海閉戶謝膠擾蠖居斗室中見聞遂簡少典籍
聊自娛神茶畏勤討春歸漸和煦晴窗理舊藁故聞啟新
得意解貴明了說之不厭詳疑義乃通曉世事偶然書亦

足備參攷倦來便靜坐冥心澹物表

秦綬章字佩鶴號萼盦晚號恆廬嘉定人光緒癸未進士改庶吉士授編修官至兵部侍郎改鑲黃旗滿洲副都統有佩鶴吟藁

詩話恆廬早擅才名工於應制文字大考第二超擢侍講學士累典文衡已躋卿貳因官制變更改授武職自有句云書生忝領干戈長敢與干城一例論文人奇遇也國變後隱居颺上以終詩多滄桑之感

夕陽

望窮平楚斷樵蒸塞上秋陰忽已凝遠磧沙明迴落雁荒臺草沒起呼鷹寒生木末亭三面紅到峯尖塔一層石馬西風無限感樂游原上漢諸陵

西山景薄歲將徂還把餘光戀隙駒終古興亡託禾黍幾人事業近桑榆重來滄海升沈換老去文章絢爛殊戎馬

笙歌多少迹漁樵江上話清娛

禰衡墓

北海眞愛才一疏薦公府當年懷刺歸那得逢黃祖

過翰林院舊址感賦

西京感禾黍焦土悲咸陽驅車過舊闕俯仰成滄桑重闔
飛鐵牡苔鏤青倉琅朝市旣非故遶轍迷康莊長安門東
隅解宇遙相望陂陀亘沙脊玉河流其旁有明迄昭代崇
構增輝煌昔爲圖書府今付瓦礫場駐馬不能去陳跡堪
思量登瀛門業業甬道平且長廳事左右翼其後顏玉堂
南榮轉相向敬一亭名詳柯亭與劉井東西分兩廂蓬萊
五雲多瀛洲一水方集賢清祕額宸翰摛天章中爲治事
所簪紱時迴翔乾嘉昔全盛文運方熾昌翠華此臨幸玉



輦金鏤錫鉤陳肅豹尾濟濟鸛鸞行賡歌有皋益扈從皆
班揚談經闢虎觀賦詩登柏梁雍容列臺閣榮遇洵非常
詞科舉鴻博鶴書徵召忙大羅證仙籍高會聯霓裳得此
爲華選不數諸曹郎鯁生屬晚進釋褐登天閭文學忝侍
從數典奚能忘深巖步丹地偃僂如循牆所嗟時世異橫
流歎望洋峩峩四夷館院之後爲英使館其東壓境環臺
亦洋樓比櫺櫓俯瞰院牆隍公然逼處此時患涉我疆高明畏鬼瞰厥徵實不祥風
尙旣屢變士習隨波揚言利慕桑孔任法師申商游談競
炙輠著書恣鼓簧儲才豈不貴誰實司輝彰往歲詔按獄
禍及同類戕書生百無用文字徒遭殃一朝罹法網儒服
牽銀鐐斯文阨未已左道宜披猖紫衣國師號赤幘天神
裝九衢走魑魅跳刀呼拍張叢祠夜篝火烈燄飛崑岡兵

氛徧畿輔鄰壘來氏羌遂令禁垣內一炬燬紅羊我來舊
游地瞻顧心仿惶鏤廳秋雨積講舍寒煙荒依稀撥灌莽
猶認題名坊道旁遇故吏藍縷形如牴謂是舊承直典守
居東廊軍府忽下令此地宜屯防亂兵訝屬集搜括傾資
糧寇至兵已遁複壁窮潛藏轟然礮車裂大宅聲雷殞屋
瓦揭空舞何論懷與柔古藤百年物倒卧糾枝僵圖書數
萬卷狼藉堆縹緲遺典溯永樂廢址頽靈光況聞中台圯
輔星已斂芒萬事不堪說襟涕霑淋浪嗟余廁朝籍十載
逾星霜郊壇列盟薦廟殿陪烝嘗分班丹陛戟侍譙瑤池
觴奉職愧無狀罹此板蕩傷清都隔天上海霧空茫茫祇
見舊輦路葉隕宮槐黃歸來重憶舊夢入驂鸞鄉曉風誤
鈴索畫角霜天涼

王子元旦天津旅寓作

江湖猶是戀清時客裏驚心歲月馳
斯世幾更龍漢劫我生忍誦免爰詩

黃州副練懷元祐彭澤閒居署義熙
元月書正循舊例強拈彩筆寫春詞

春日田園雜興續月泉吟社

何處桃源許問津勞生且復息風塵
未妨南郭從招隱卻喜西疇又及春
種豆行歌憐廢吏灌瓜貽誠問邊人
餅師嚙叟如相遇疏野休疑墊角巾

比戶炊煙入望賒趁墟人散夕陽斜
雲迷樵窟遙穿樹水借鄰畦別蒔花
競食空倉喧鳥雀徵租小市聚魚蝦
故鄉亦有鄉田在不早歸耕悔已差

啟蟄驚雷草始芽穴空闕蟻井跳蛙花番暗覺芳春換米
價先愁歉歲加漢臘幾家供釀酒夷歌四處警吹笳村翁
頭白猶懷舊社飯香中說魯髻

寂靜柴門過客稀未嫌城市遠相違家收諸芋黃堆屋地
接松楸翠作幃夢覺屢迷隍鹿幻時艱願息澤鴻饑太平
租稅應無恙欲誦堯衢世已非

張亨嘉字燮鈞一字鐵君侯官人光緒癸未進士改庶

吉士授編修官至禮部侍郎諡文厚有磐那室詩存
詩話文厚於學問尙博大而屏細碎其鑒定書畫亦
具此意先後督學湘浙務育通才論者謂公平生校
文如赴飢渴愛士如護性命慎黜落如決獄之恐失
入庚子拳亂事亟詔百官集議公方官太僕寺少卿
越次奏陳妖術不可恃徒召外患爲大學堂總監督
走書幣四方禮聘儒宿視生徒如子弟論文主翔實
嘗作南皮張文達神道碑中述豫軍剿捻戰績凡數
千言於地理軍略朗若列眉論詩於古人推昌黎於

北川集言目卷一 下 一 四
三人稱亭林惜抱其
詩似韓無率意之作

葦灣泛舟

太行擁幽都西北勢一曲溢泉數伏見聲沸如噴玉豬之
瀏而清不似焦釜沃是時大火中燒野苦炎熇卻憶阮公
詠來泛蓬池淥侵晨踐游約出門始見旭忽如涉魚齒甚
雨驟相屬芰荷相媚妩鷗鷺互翔浴秧田碧彌望饒衍頗
似蜀誰云土疆蹶宜稻乃冀俗今日曷不樂取醉託醺醪
大嚼菰侯載間觀東山局勝地足歡娛人事有根觸畏晚
攬歸轡落日酷煩潯預約潭柘游及秋來秉燭

游雁宕觀大龍湫

昔聞龍湫名今乃得見之天公予晴日勝游正及時磴道
何盤盤所苦路賊陝輿夫息僅屬喘如竹筒吹俠侍數壯

倏差免隕屣屢雖無咋指悔頗覺好事癡吾宗賢令尹治
具戒所司行廚羅珍錯奔走隸與廝愛山復好客趣塗忘
其熾羣峯若列障懸流清且漪及茲寂靜地始覺宦情非
稻生不堪七斂退甘孤羈吾老百不堪甯久竊華資覩然
蝨其間終爲識者嗤道旁有一叟自言大布衣漢法當錫
爵殷勤前致辭叟今年八十在山入已采林泉足供養胡
乃見之卑龍湫何所似渺若煙雲飛世事一經眼變滅安
可期翩翩雙飛鳥情如登善依宴坐古尊者所見或庶幾
吾聞新世界瀑流五洲奇磁鍼出百載丹車紛交馳羣公
氣方壯往哉慎勿疑毋爲閉庭戶坐看長安棋

庚子辛丑間與鶩翁漚尹忍盦在都承以近作詩餘
見示讀竟敬繫此篇

海客說瀛裨麻家推章部如何赤縣小乃復邁陽九後庚
星一周神皋再遭蹂外燬肇蘇韓內訌劇季郅不鑒郭京
轍翻效莫敖狃元黃慘龍戰噴薄駭鯨吼頽堙烏亂呼馳
道獸交爪君子竟爲猿徒御或駕牡北行怯入囊南望思
正首頗聞元從臣落落未具耦微官忝近密羈縻甯辭負
職爲典祔留情難絕裾走至尊憐其誠詔詞一何厚同時
三子者危城共淹久驚翁豪俠士文章抉漢手大呼排九
閭抗疏恣擊拊漚尹吾故人曉事世無偶造辟陳至計勿
恃邊將趙忍盦負夙慧灑落眞吾友獨立天人儔窮蒐圖
籍極吁嗟三子者行止故不苟人言茲陷賊君實謂否否
金甌幸無缺失計鑒宜曰昨者詔書下拔賢更任耆旦日
李西平清禁迎文母區區戀關心固以俟我后吾意亦云

然於世乃何有同居城南隅蹠跼宮一畝高歌旁無人羣
曾不敢糾長安本似奕皇綱況解紐家居亦已撞再壞更
何取私朝有宋慧紆難乏楚穀網竟漏玉津寃仍沈獨柳
戰骨孰悲陶穹冠甚囚牖市有召平瓜門過良霄莠夕烽
起建章佳氣黯天壽劫已燼紅羊局終幻蒼狗所遇多可
傷衷懷訴誰某感事涕泗滂蒙塵面目黝間對新亭人饑
號同谷叟移居留山薑念舊翦雨韭憶弟跼連移思家絲
牽藕花時杜曲行歲晚漢臘守凌寒步江亭眺遠對薊阜
季鷹苦思歸士龍猶留後一一寓於詞讀之沫流口變雅
有哀傷國風極佼憫音得樂府遺法從天水受氣或邁稼
軒派惟宗石帚旖旎近屯田禪悅託无咎固知忠愛心況
有才八斗而我枉過從無文媿忸怩材甘穀梁廢學比魯

生餽辱命不知報何以結李玖再拜前致詞吾文例覆瓿
若以弁君集見之君當歐感君纏縣意作歌貢其醜悲哉
秋爲氣招搖歛指酉是時北盟成鄰媼喜酌醲居人望翠
華頌禱說枸桎豈知卧榻旁隱患逼在肘良維防背寒江
介危豆剖民散由道失周易餅漿誘貧賤逢亂離引鏡詫
衰朽解憂惟杜康日日當飲酒

游積水潭

白浮導脈城西隅廣源高粱并一渠中間午貫復東注取
象銀漢橫天都名泉十九入御苑卻留咫尺容乘桴鐵櫺
牖外靈螭伏洪濤百斛隨奔趨鎮水神祠翼然起積高爲
雍真神區怪石皺瘦古織女老松正直偉丈夫前村後村
足魚菜十里五里喧菰蒲淨業門前最幽勝朝陽璀璨明

芙蓉扁舟便入藕花去
髣髴身在江南圖
銀錠橋邊偶信步
蒼然山色來平蕪
十剎非剎海非海
名從主人聊相呼
黃雲布地苦塵鞅
到此便擬登瀛壺
勝朝三百六十寺
財力半由中涓輸
行人指說黎光事
貂璫氣燄嗟可吁
當時劉謝競投劾
茶陵老子殊睽孤
西涯西涯在何許
鴻臚祭酒說非誣
後來視今猶視昔
蓬萊水淺桑田枯
我來六月正逃暑
浮瓜雪藕羅盤盂
閩都荔子駭新摘
登筵未改白玉膚
東海大魚美髻鬣
調以醯醢雜脰胸
自餘蝦菜各豐旨
忘形賓主爭手齏
綸衣甘食一無補
雀鼠空耗縣官租
辛有之歎吾知矣
伊川被髮母乃愚
共登第一樓頭望
仰天幾輩呼烏烏

琴碁望阻風

采風南紀觀楚禱元冬寒城繫客艘洞庭連天凍相映巴
蛇積骨如邱高南行一日歟陰晦白浪山立風怒號長年
艤舡急捩柁數舟櫓比聯鉅絢夜來飛廉氣益厲有如十
里鏗蒲牢又如百靈幻光怪猛蛟妖魍紛騰逃隔舡諸子
語聲絕掩被不寐甯恐怪侵晨開窗欲問訊既出復入驚
颼颼忽聞歌聲出金石茅公意氣劇雄豪黃侯陳子精經
術默參飛鷁分貶裏小李將軍湖海客飽歷險阻心不忤
怵哉前行鄂三子孤舟咫尺羈洪飈主人旁皇籌策窘縣
吏奔走顏色勞三呼蒼兕出應募喧豗頃刻馳輕舸侵晨有紅
旌應募送酒米薪蔬餽魚蔬筍足供具媵以趙州之濁醪一夕封姨
竟返轡舉杯相呼爭持螯雁叟婆娑清興發新詩落紙揮
宣毫緝公哲匠俱耆學卧翻古籍析牛毛慕紫相從託雅

故厚意不報深感叨自從十七經滄海海上暴颶吾未遭
想因我頑忽見怪奉職無狀神弗怡或云湘靈會雲雨神
旂慘淡翔以遨我謂二妃不宜爾女箴婦誠遵虞陶昨日
岳陽樓上宴瓣香未熱仙所警先一日岳陽樓公謠初至寺僧請上香謁呂仙余謂
非爲謁仙而來御之故云迺知仙人未賢聖妄因一節生風濤行路之
難古已有那能膜拜爲爾曹壺頭更比從充險澧棚畢卽至常德充
澧棚地壺頭常轄地也他時珍重策良駒

過汨羅江

一衣帶水一葉舟筇輿平置坐兩頭櫂歌徐起橫中流舟
子上前語啍嚶此水終古名長留汨羅東與洞庭浮靈均
化去三千秋大夫忠孝嬰百憂手擎芙蓉騁翠蚪倏而來
下邀以游江濤爲吼雲爲愁纍兮纍兮爾勿哀古來何國

不荷萊章華之宮安在哉惟公詞賦壽八垓吁嗟我亦生
默默觸暑南征向瘴國六月何爲不得息江山故宅荒荆
棘思公不見涕沾肌

熊秉三庶常來杭見訪寫贈

不見熊生久頻年事可唏掉頭甘削跡鍛羽卻忘機世局
蟲雞數征途勞燕飛百端振觸意相送到江磯

人愧朝班蝨頻年未報書君才堪建樹世局甚淪胥不薦
吾當恥相知跡轉疏蹉然真失喜聊用慰空虛

題吳文卿桃花扇面

文卿爲變臣侍郎弟時將試令江南

濯錦江頭春暮時一枝如玉照夫移河陽別有花千樹付
與他年老畫師

陳同禮字潤甫懷甯人光緒癸未進士改庶吉士授編

修有紫荊花館遺詩

登金山

蒲牢一杵破空鳴振袂煙雲足底生十里桑麻秋欲暮萬
家樓閣雨初晴荒江潮落魚龍靜壞塔風迴鶴鶴驚六代
繁華歌舞地無邊衰草暗蕪城

伍兆鰲字綸才江西安福人光緒癸未進士改庶吉士
授刑部主事有展峯詩草

吉郡登舟

飲罷離杯下酒樓故人立馬顛紅頭天公昨夜收煙雨放
出青山送客舟

何維棟字研蓀道州人光緒癸未進士改庶吉士授刑
部主事有十六觀齋遺集

詩話研荇與余同歲舉於鄉先余入詞館蓬山暫到
風引船迴出佐劉壯肅幕府爲赤嵌之游居年餘以
疾歸
遽卒

贈李芋仙

落拓一官歸去來祇今無地起樓臺風流謝傅餘絲竹老
病蘇髯尙酒杯須信文章能奪命非關天意不憐才海濱
我亦飄零久懷抱千秋得暫開

春暮矣追憶年時有懷亡友成菊仙

蓬萊佳氣玉芙蓉仙仗歸來駕綵龍下界春風成小劫上
元清讌隔疏鐘五千文字當年夢十二樓臺何處峯冷盡
煙花莫惆悵瑤階淚灑露華濃

劉光第字裴村富順人光緒癸未進士官刑部主事加
四品銜有介白堂詩集

詩話裴村天懷高曠喜游佳山水刻苦自厲不好詣
人通籍後澹於進取時思歸蜀戊戌喬茂藏南游右
銘中丞詢以人才茂藏盛稱裴村志節遂與叔嶠同
薦及入樞垣與譚林異趣方圖引去而禍作矣詩不
事雕琢駢蕩自然朱古微侍郎與裴村爲同歲生重
其人並重其詩謂有少陵意境假得家藏全藁擬別
選精刊尙未付梓

屯海戍

驚鳥人不擊金晴倦神霄龍馬繫其足空闊徒見招矧茲
屯海戍本自異雄梟腹削雖已多室家且逍遙軍中有婦
人武事空蕭條火礮止虛煙揚旗憚迴颺一旦飛羽檄驅
之度韓遼我友充海軍鐵艦嬉且遨獨我迫東行萬慘聚
府焦沉忍訣妻子中道相牽號哭聲上干雲下壓大海潮
入舟屢回盼不戰心先逃運舫猝被擊潰亦無由跳可憐
羅練軀挂冑鯨齒高空令髮婦來想魂祭波濤大帥心有

在我方悲汝曹汝曹死自悲無爲怨聖朝

先祖生日感賦

祖年百五父七十四二十年幽冥我生三十有四年我
子長者方四齡我子如我不見祖安知祖意傷伶仃含飴
分甘古所樂此事獨缺於家庭惟我祖母抱兩孫猶及我
身長半屏明鐙吐花助微笑誦聲琅琅含喜聽八年我母
駕雲輶但見我女嗟媼姪竹筍穿苔抱龍甲桐枝刺天條
鳳翎自來京國舉三子我母而在喜涕零月維十一日十
九祖之陰壽亦薦馨我前拜跪兩兒後俯仰粗有吾模型
小者半歲抱旁立眼射燭火如明星一堂精氣所凝結神
會豈隔貌與形蜀南家山五千里吾弟隻影追先靈傳家
潭水碧於酒春煖肥鮑浮可釘烹鮮斫脯攜上塚時有沙

鳥隨歸舫鯢鵬雲海思已扁牛羊邱隴夢長經轉愁弟也
將北上花落墓田空草青

游思

馬蹏雜花遠引我漢江濱南國多芳草東風長白蘋縣縣
遠道思脈脈微波春落日迴車處空懷解佩人

天僖昌運觀

張永墓在焉

知有奄兒墓幽尋廢觀難柳風孤客遠松日九朝寒
松多
補倦儘春雲去荒添佛火殘披榛讀穹石亦作表忠看

遠心

遠心無雜迹隨在得真還閱世摩孤劍圍書坐萬山雪天
生氣出人海寄身閒愧少匡時略梅花且閉關

游義眉歸偶成

海南笠屐徧經過
咫尺仙鄉不到何
未倚青冥追太白
空談翠埽笑東坡
心知吾道高深在
身入名山福壽多
寶瑟瓊簫殊好事
一筇五日踏三戟

感懷

肯信村廬有是非
年來閱世學忘機
枕中車轂難妨夢
晝裏江船且當歸
北地有人耕陸海
西山終古送斜暉
驚心寒雁程三萬
似避刀弦併力飛

柯逢時字遜庵武昌人光緒癸未進士改庶吉士授編修官至江西巡撫

顧晴谷大令餞別牛頭山杜子祠卽席賦二律

城南山勢鬱崔嵬
工部祠堂亦壯哉
詞賦縱橫開世界
川原高下護樓臺
塵封石篆青磨隱
酒泛金尊白雁來
蕃虜

正驕羣盜劇當時涕淚滿蒿萊

羌村小別無多日杜曲重來定幾時風雨尊前人老大關
山笛裏道倭遲朝班漸喜長安近歸計惟應襄水知爲謝
殷勤杯酒意少陵原上一題詩

張預字子真錢塘人光緒癸未進士改庶吉士授編修
歷官江蘇候補道有崇蘭堂詩存

登燕子磯

觀音門外江風顛驚濤斷渡無行船船頭燕子何翩翩
斜下啄蛟鼉洲空江無巢飛不前迴翔招我登其巔十盤
九曲如蟻緣磴道一綫開何年忽然絕頂浮嵐妍孤亭岌
岌撐如拳荒坪草沒層厓偏斷碑欲墮藤蘿牽亢石無階
謝雕鐫側身俯江江浴天天風狂吹山孤懸我欲跨燕凌

飛仙燕兮斂翼不可鞭但看鶴鶴橫江騫須臾返照來嶺
鮮紫翠千里流無邊江南江北紛山川冥冥閃閃沈蒼煙
羅胸氣象收萬千目力雖竭情流連巖扇欲暝雲帷寒夕
霏四斂天容驀下山皓月忽已圓江光山氣爭迴旋茲游
奇絕吾當傳歸舟汲汲書長篇詩成推篷歌叩舷煙中燕
尾猶凝凝

馬穀山督部師挽詩

初聞生社祝封疆忽聽哀歌動路傍舊部有情思寇借神
君無諠讖彭亡黃埃散漫祇氛惡碧血模糊古恨長吳越
遺黎同一哭看公浩氣亘天閭

迷茫天意鎮如斯豈獨淪亡事可悲遺愛在人誰食報獄
辭書盜恐成疑歸心未怯飛鳶墮家法猶聞突騎馳寂寞

丹輦臨發處神鴟唳血繞靈旗

人日渡瓜洲

鱗鱗輕綠滿瓜洲人日征帆逐去鷗山引舟程初北向水
迎春色自東流迴風雷岸聞歌吹積雪鑾江感客裘攜得
新年京口酒晚燈試醉竹西頭

慈母堂前月一首宿晏城作

慈母堂前月遠照關山程關山遠復遠迢迢晏子城登城
一以望白雲千里橫清輝出雲際知共故鄉明安得平安
字一一月中呈仰鏡慈母顏俯瞰游子行朗鑒及髮膚危
哉慎虧盈月近慈母遠悠悠游子情坐愛牀前光無促晨
雞鳴

大風泊朱涇書以遣悶

昨夜月輪暈如磨破曉顛風斷帆路平時輭媚淺涇流得
勢軒然能作怒篙師繫纜縱復橫斷橋小柳相支撐忽聞
急響墮船尾驚禽跼跼衝波傾我聞禽言行不得去路關
河莽難極卻怪長年利客行盼斷前頭市煙直日斜潮上
雲垂天夕沽百錢醉且眠來朝風色更誰料不如撾鼓牽
歸船

張僖字韻舫灘縣人光緒癸未進士歷官興化知府有

別畫湖莊詩草

詩話韻舫以貴公子游宦七閩跌宕詩歌有文章太
守之目所著眠琴閣詞出入玉田碧山頗爲時賢推
許詩亦明秀規仿
新城饒有風韻

春日偶成

一夜東風柳夢蘇榕陰芳草綠平鋪不知簾外春深淺細

雨梅花聽鷓鴣

春晴

積雨新晴好春深愛景光
茶宜泉味淡琴就竹陰涼
一鳥下寒碧孤花明夕陽
詩成耽久坐漸喜日初長

十月袁浦道中

曉來霜氣撲征驂買醉旗亭酒半酣
斜月五更催上馬又馱殘夢入江南

廨西廳事三楹雜蒔花竹頗饒幽勝
藤陰有亭余榜

曰詩境夏日晚坐用黃鵠山人鑑亭韻

綠陰羈小亭地僻不知暑
石几坐晚涼夕陽淡遙嶼呼童
撥松鑪乳茶活火煮泉味辨淄澠
瓷品雜哥汝藤陰悄無人幽鳥答
詩語盆蘭發疏花細香散成縷
微風颯然來竹

氣涼似雨靜對欲忘言新蟾已當戶

郭幼安廣文好學工書尤精篆刻爲余作印甚夥詩以酬之

蘭石先生生海濱書名鼎鼎天下聞我來領郡識公孫三絕不數鄭廣文指揮虎僕驅龍賓臨撫蒼史追少溫銀鈎玉筍何嶙峋肯以姿媚換鷺羣餘事摹印尤殊倫戲拈寸鐵剗雲根妙手如運成風斤指物兩化疑通神文何而後皖浙分君乃直逼鄧與陳天隨閣中相討論照耀碑版輝彝尊我生同癖風好敦摩挲行篋羅山珉煩君一一加磨磷刻畫奇字方周秦公餘拂拭無纖塵卷軸錯落鈐朱紋桃花紅蘸芝泥新壽同金石爭千春在昔櫟園游八閩一時提倡編印人賴古遺冊披香芸莆中林吳手蹟存零璣

斷壁都沈淪山城寂寞空荆榛得君風雅庶再振豈惟傳
硯繩清芬

楊履晉字康侯忻州人光緒癸未進士由刑部主事歷
官寶慶知府

宣統己酉十月同何梅叟游明陵用東坡石鼓歌韻

紀元陽月日丁丑陟覽明陵偕梅叟昌平山水形家言龍

虎環抱羣奔走

燕山有龍虎臺

舊聞日下稽遺編勝國橋山繫眾

口一代姓易王氣銷三恪封視神明後故人導我康家莊

同鄉楊敘五時牧昌平

寂寞黃華過重九猶存鬱鬱山上松不見依

依殿前柳昭穆相向繁眾星

明十三陵皆在天壽山前左右相向

長陵獨運

中央斗

長陵居天壽中峯下

龍飛北道思雄奇燕子南來清腋肘零

雨師豈應風雷瓜蔓抄乃連禾莠御製文字諱尊親

永樂聖德

神功碑在白石聖德神功紀孝友不聞詩作倖鴈鴟鷺子

恩勤念卯穀諸陵屹立沒字碑遑問烏篆與蟲蚪宋明極

盛稱洪宣擢用儒臣半黃耆後來政事歸貂璫豹房鷹犬

樂指喉永定陵工糜帑金永定兩陵規模宏壯不亞長陵委鬼刑餘賜葬

直闖入倉皇悲月游大樂不奏瞽宗眴呀庠御殿生荆榛

灋邨霸杜等崑嶠最痛思陵附妃園在榆河西帝雖渴葬妃

猶厚石人十二文武臣從此不迓天王某燕山沙河有廢

興珠邱尺寸仍明有我思炎漢逮天水讎及枯骨遭鞭杵

明季流寇橫神京雷聲墮地見天狗免攫玉匣與珠襦倖

脫灰煙及土偶嚴禁樵蘇堯舜朝不使神宮同邱首天書

大書不一書順治乾隆嘉慶三朝均有御題黃瓦且修門敢掇用祿文傳聞

禁旅入關日頗思修怨亦自取豈知聖言萬世法鼎遷明

德無塵垢朱侯致祭虔春秋作賓王家世世守讀書雅慕
蔣山傭展謁詩篇永不朽寒鴉落木無古今明陵十三在
天壽

徐定超字班侯永嘉人光緒癸未進士歷官御史

詩話班侯性抗爽能面斥人過而人不以為非白首
即潛絕迹權貴及官諫垣疏陳時政皆言其大者謬
飲精醫晚年自滬旋里輪船遇險夫婦同
湛於海聞者哀之遺稟未見止得一詩

謝客

我居城西隅河水門前繞浮止追芳蹤游釣具臺沼自入
武林城人事何擾擾干謁客日過杜門難卻掃我亦求諸
人主客須分曉人人而悅之廣廈萬猶少譬如一枝棲木
亦欲擇鳥豈不憫飢驅妻孥猶未飽齒牙能獎成餘論何
足較施濟堯舜病浮沈洪喬矯求吾心所安何如避囂好

雲關不可扃宏願殊難了惟有羨冥鴻高飛在雲表

晚晴簃詩匯卷一百七十四終